



通雅卷之十一

桐山方以智密之輯著

同里姚文燮經三校訂

天文 釋天



萬之為天譌也。○唐韻有蔓。古天字。智按蔓陸字。一也。陸字各書皆載。即漢書用之不一。蔓字則未嘗用也。从艸从曳。實與天無義。直是訛傳耳。精六書者。如張有楊。桓戴侗。周伯琦。趙古則。皆載陸字。而蔓萬字。升菴索隱。子才精蘊。敬甫總要。載《象乾》而無蔓字。朱鬱儀輯古文奇字。詳考六書統。古天字共十四文。而無蔓字。已明證為訛文矣。《乃本字。後作《六六》。漢以來

變體用之。張平子墓碑作仄。說文从一大。已非本意矣。惟金石韻府載<sub>楚</sub>出古老子。智以述異記曰。瀨鄉石堂。有老子篆書道。德經。蔡邕子旁以隸書證之。唐以李姓尊老君。人僞爲之。豈非如近日周易全書之篆文古易乎。又考碧落碑曰。亦澗<sub>莫</sub>莫。釋爲大道莫尊。咸通十一年。庚寅七月朔。鄭丞規奉命釋文。吾鄉徐守和。賞鑒好古士也。藏此本。豈非因本碑後有<sub>汭</sub>汭。汭。釋爲昊天不惠。則前之<sub>艷</sub>字非天。可知矣。永叔以爲總章三歲。李漢爲黃公李訓誤。朱晨考。依金石錄。載唐龍興宮碧落碑。咸亨元年。陳惟玉書。永叔云。據李璿之言也。以內有碧落字。故曰碧落碑。今碑中致<sub>皇</sub>精<sub>禎</sub>碧<sub>點</sub>。釋爲伏願棲禎碧落。亦與碧落文

異。唐潘遠言碧落碑有二本。廣川跋有別本碧落碑。宋吳炯曰。絳州碧落碑。篆在石像背。澤州立佛龕。西翰王刺二州也。或以爲陳惟正。李湛。李瓘書。不可辨。其字襍出奇怪。守和言絳州殘缺不堪。則今所傳者。豈非更刻者耶。金石韻府亦載碧落文。天篆作<sub>天</sub>。益知近本之非舊矣。又考宰辟父敦銘。有<sub>攸</sub><sub>艷</sub>字。釋爲<sub>鑿</sub>革。此一証也。姑且勿論。卽以碧落之<sub>莫</sub>爲天。則亦不過唐人之好奇者。拓拾耳。李陽冰但愛其筆勢。豈重其六書合古哉。自經傳鍾鼎漢隸。皆無此字。而唐人始爲之。此後惟潛虛用<sub>莫</sub>字。乃溫公門人續成。有意示瑰異。如元包耳。又洪武二年。命翰林定官民書禮儀式。禁革民間名字。有先聖賢大國君臣。竝漢晉

通雅 卷之十一 二 漢口此書車  
唐宋等字。正統十年。進士登科錄。凡天字皆作莧。云出內閣意。景泰中幸太學表。內閣自爲之。中有管窺霄。蠡測海。蓋亦避天字也。自宋宣和時。禁君天等八字。非始洪武矣。武則天改死塋等字。豈莧亦唐制所改。而史不載此細事歟。講求博雅者。向未道破。近見張司業。朱謙甫。各著字書。方引莧以見博。摺撫之士。竄以行文。余故著之。又有引一大爲天。二小爲地者。則何燕泉引姚孝寧之說也。此皆因形借說耳。古天曰神。地曰示。篆从元象旗。豈从二小乎。謂古天爲汀。因切。與神同韻。地與示同韻。則可。而以此立義。則王安石矣。仄慝卽側匿。言月魄也。○五行志作仄慝。蔡邕曰。元朔而月見

西方。謂之側匿。說文曰。朔而月見東方。謂之朏。晦而月見西方。謂之朏。朏健行。朏縮遲。郝氏謂律歷志。羸朏。蘇竟傳盈縮。縮卽朏也。以歷法言之。則說文所言朔而月見東方。晦而月見西方。必無此理。乃失曆也。豈太初之疎至此乎。抑許氏之妄說邪。幽通賦。遭羅而羸縮。吳志。聶友與滕胤書。一朝盈縮。人情萬端。皆借用羸縮字。

朏。昕。昀。爽也。厭旦。應旦也。○荀子。厭旦于牧之野。注。厭。掩也。夜掩于旦。謂黎明。昧爽也。黎明。亦作遼明。或作犁。昧爽。一作昀。爽。昀又作朏。班固用朏。昕。朏卽昧字。周禮。厥明獻賢能。又曰。質明弊旗。詩曰。嚮晨。皆一義也。詩明發不寐。注。疏。从明而至夜。則地

闇。至旦而明。則地開發。此解亦費力矣。蓋言天將明而光發動也。昉。日初明也。大昕。日將出也。申旦。重旦也。弟子職對客章。應旦遂行。正厭旦之義也。

三商。三刻也。○士昏禮。日入三商爲昏。公彥曰。商謂商量。詩東方未明。注疏云。尚書緝謂刻爲商。馬氏曰。日未出未沒皆二刻半。三商。據整數也。夏文莊蓮華漏銘。五夜持宵。三商定夕。蘇子美亦云。三商而眠。高春而起。智謂商乃漏箭所刻之處。古以刻鐫爲商。所謂商金商銀是也。刻漏者。刻其痕以驗水。又有謂三滴省作商者。升菴弱侯取之。新毗奈耶云。佛言應作商矩法。取細籌長二尺許。折一頭。四指。豎。主日中。度影長短。是謂商矩。可

與商刻之商互證。

曠。曠。晏温也。○史記封禪書。至中山曠。漢書楊雄傳。晏温謂日晏而温也。显當从日。不當从囚。已詳疑始條。郝氏以爲氤氳之轉。其說亦強。

柳穀。日色也。○周禮。娶柳注。引書曰。分命和仲。度西曰。柳穀。疏曰。濟南伏生書傳。柳者諸色所聚。日將沒。其色赤。兼有餘色。故云柳穀。吳虞翻奏鄭氏解尚書。違失古篆。卯字當讀爲死。古柳卯同字。而以爲昧。今本作宅。西曰。昧谷。如仲翔之言。則是康成改柳爲昧矣。古篆卯開而丌闔。丌卽酉。柳正从丌。仲翔所說。亦未大較也。楊用修引爲檟穀字。穀見說文。淮南言日入崦嵫。經

通雅 卷之十一 四 澤山止鼎車  
細柳。柳非木也。檟字諸書無及者。多是字海加日作檟。而升庵外集刻作檟耳。學者不可誤用。

黔天卽黔天。○素問丹天之氣。經于牛女。黔天之氣。經于心尾。智按說文黔。黎也。巨淹切。又古咸切。黃黑也。當是黔字而別其音。論其原黔。黎卽謂其黃黑色也。黔又音禽。唐韻兩收之。左傳邑中之黔。實慰我心。黔敖。人表作禽敖。又作黠。地名楚有黠陽。蜀黠江。皆可二讀。如黔音禽。又音函。淦可音甘。男南入侵。簪潭。潛湛皆是也。

昴當作昴。○吳登書經纂言曰。昴音留。在天之酉位。字从卯。音莫飽切。非詩疏昴之爲言留也。漢志二十八宿舍。言陽氣之稽留也。後訛爲昴。便叶音旄。朱氏曰古作昴。从亞省。

日仄因作日吳。日昃日側。日廂。通作日稷。○西狹頌言劬勞日稷。用穀梁子曰下稷之文。與堯母碑日稷不夏。費鳳碑乾乾日稷同。按孟喜本易作日中則稷。晁氏曰稷古文昃。王嗣宗作仄。智以爲音近借用耳。按說文引易日廂之離。鉉曰俗作吳非。而轉注略與才老韻補仍作日吳。吳乃昃之改體。疑廂亦廂之訛。而考異本又刻作廂。旣夕禮曰日側。注側。眈也。疏謂日昃。倍僑。一作背譎。背穴。○呂覽明理篇。日有鬪蝕。有倍僑。注日旁氣也。在旁反出爲倍。在上反出爲僑。淮南覽冥訓作背譎。漢書天文志作背穴。今次水或作滴水。可證。

頓于連石。冒昔也。○淮南子曰。頓于連石。是謂下春。至于悲谷。謂之晡時。注晡音逋。續博物志云。連當音爛。今各韻書字書皆遺此音。說文瀾或作漣。可知古連闌音通也。隣幾禱志曰。同州民謂連雨爲爛雨。文選用東汜西汜西流南流皆因濛汜造語。子建用南流。謂南陸也。字樣冒昔卽晡時。

列缺電光也。陽氣從雲決裂而出。故名列缺。○毛晃曰。電光昭處謂之列缺。服虔曰。列缺天閃。易元包曰。噬嗑列缺。搏礮礮。傳云。列缺搏雷之動也。礮礮。電之耀也。楊雄賦。霹靂列缺。吐火施鞭。博物志以霹靂爲劈歷。張揖謂陵陽子明經云。列缺氣出地二千四百里。獅山掌錄曰。無厚東方電名。順流南方電名。

墮光西方電名。百生樹北方電名。此是臆造仙傳言天嚙噓開口而咲爲電。則更誕矣。太平廣記月支獻獸。兩目如礮礮之炎光。礮先念切。礮徒念切。智謂卽閃電之音也。綿畧取之。此因元包礮礮灼之語。字學指南復收剟缺字。加虫可咲。釋文曰。蜀本易以霆爲電。

雨霓曰霄。雪花曰霰。○今說文止有霄字。升菴且曰。徐鉉之誤。當作霄。音屑。稷雪也。卽今之粒雪。韓詩薛君章句曰。霰。霰也。馮嗣宗引曰。雪花謂之英。雪花六出。朱子曰。一六之數也。雪古作霽。智以升菴亦未知。按說文肖从冎。小聲。私妙切。冎。振冎也。从冎。入聲。許訖切。新附冎。舞行列也。而臍亦从十。从冎。古六冎。卽

侑也。脣動作切切也。从尸侑聲。私列切。說文無脣字。故附解于此。而韻書以隸作脣。智以武帝紀事八神。脣然若有聞。詳其意是脣然。而注以爲脣。泥說文也。脣當从肖聲。說文殘舛。近于霄字可考。升菴亦仍拘脣从脣之說耳。謂霄有脣音則可。

日暉者。日暉也。日暉曰暉。○梁元帝纂要曰。初出曰旭。在午曰亭午。在未曰昃。晚曰旰。西落日反照。月令廣義引在未曰映。此因升菴也。外集載日暉字。出纂文。卽日映也。別條又引王仲宣詩。山岡有餘映。謂日昃也。此更可咲。元美亦引日映。其所刻暉陽石篋之左逸。有曰代于時爲映。智按皆映字。諸書誤作映。而月令廣義反以映爲正。誤之誤矣。蓋映音迭。而古通映音。暉从

繩省。故亦有映音。升庵所見本。偶訛作映。卽果爲映字。又安知非梁元帝之訛邪。元美則沿升菴耳。天文志。候風有食至日跌爲稷。以跌証映益明。

格澤。旬始。妖氣也。天衝。帷雲也。○格澤音鶴鐸。相如賦。建格澤之脩竿。張揖曰。格澤氣如火狀。黃白色。起地至天。下大上銳。天文志云。旬始出入斗旁。如雄鷄。其怒青黑色。象伏鼈。李奇云。怒當音帑。晉灼曰。帑。雌也。或曰怒則色青。宋均云。怒則芒角刺出。河圖稽耀鉤曰。填星散爲旬始。王招橫。春秋合誠圖曰。旬始主兵爭。春秋考異郵曰。旬始照其下。必有滅主。楚辭。造旬始而觀清都。注者又謂之皇天名。文選東京賦。櫛槍旬始。羣兇靡遺。明

以爲妖星妖氣。而召茲羣慝也。張伯起乃謂樵槍見。浹旬始退。卓徵甫注藻林。又以旬始爲皇天之居。此又訛矣。近術家所云。旬始者。乃謂一旬之首見也。呂覽言天衝者。雲若蒼衣。赤首白。鵠。又有雲於滑馬。皆雲妖也。今本衝作衡。陳無功作天衝。野馬。陽炎也。白駒亦非景。○莊子注野馬日光。一曰游絲水氣也。筆談曰。野馬塵埃是兩物。吳融云。動梁間之野馬。韓渥云。窗裏日光飛野馬。皆以爲塵。實乃田野浮氣耳。龍樹大士曰。日光著微塵。風吹之野中轉。名之爲陽燄。愚夫見之。謂之野馬。渴人見之。謂之流水。翻譯名義云。摩利支。此云陽炎。在日前行。或曰野馬。猶言白駒過隙耳。語見魏豹傳。師古曰。白駒日景也。程大

昌引劉孝標答劉紹書曰。隙駒不留。李善注曰。墨子言人之生。平地上。辟猶駟之過隙。二世謂趙高曰。人生居世間。如騁六驥。過決隙也。今人或于暑晨登高山。嘗見山腰以下。巨浸茫茫。惟夏秋間有之。故曰陽燄。實則霧也。少選日高則失。

九魁九紀。皆北斗九星也。招搖豁落也。○酉陽雜俎云。北斗魁第一星。神名曰執陰。第二星曰叶詣。第三星曰視金。第四星曰。拒理。第五星曰防午。第六星曰開寶。第七星曰招搖。此是段誤。蓋七星曰搖光。第八星曰招搖。第九星曰玄戈。張東莞以豁落。招搖爲一。按李白詩。身佩豁落圖。腰垂虎盤囊。均藻云。豁落北斗名。因昔人有解招搖在上者。統稱北斗亦可曰招搖。則卽豁

落為北斗可也。漢書招搖作招搖。才本作招搖。升菴言漢書作招謠誤。星家言北斗九星。以應九州。王伯厚謂九星即九紀。指逸周書小開武篇。則非矣。劉向九歎曰。訊九魁與天神。注九魁。北斗九星也。王冰注素問九星。曰天蓬。天內。天衝。天輔。天禽。天心。天任。天柱。天英。乃後人立名耳。蕭該音義。以招搖作臯搖。天雁。地雁。約約也。○約約奔星。見爾雅。郭璞云。流星也。藝海洞酌云。流星色青赤。小者名地雁。墜則兵起。青赤。長二三丈者名天雁。

虹蜺曰挈貳。曰蜺示。曰帝弓。貳謂其副貳也。弓謂其如弓橋也。○虹蜺鮮者雄。闇者雌。一曰赤白曰虹。青白曰蜺。入聲。亦可平。

聲沈約作郊。居賦以示王筠。讀至連蜺。蜺作入聲。約大咲曰。恐人讀作倪字。然楚辭注遇雌蜺。則音入聲。遇雲霓。則音平聲。霓音研奚切。又倪歷切。虹平聲。范蜀公召試。用彩霓為平。司馬公曰。約但謂聲律便美。非謂不可平也。爾雅虹為挈貳。郭璞云。蜺雌虹。挈貳其別名。見尸子。白虎通曰。天弓。虹也。又謂之帝弓。蜺者斗之精。失度則蜺見。熊主惑于毀譽。西域亦謂虹為天弓。漢天文志。抱珥蜺。蜺即虹。史天官書其蜺者類闕旗。注蜺亦作蜺。此因蜺音兒歷切也。升菴曰。天文志有赧蜺。諺曰。東鬻日頭。西鬻雨。指蠖螭為鬻。又曰。旱龍。非今閩中鬻帆之鬻也。或稱挈貳即蜺。貳周禮。祗禘。九曰。隳注。虹也。其氏星經曰。蜺示。示音

旗夜卽溟越。謂虹曰水椿。江比人呼虹如櫬。今泗州虹縣。去聲。陸佃曰。以水暎日。自側視之。暈爲虹霓。此可以證矣。馮嗣宗謂飲薛願之酒。淫陳濟之妻。則因主內淫之說而然也。或者又曰。虹雖日映雲氣。亦由人目視之而成。雲實未變也。水暎日。晶側映。皆有之。水與晶。曷嘗變色耶。又曰。虹本圓形。半在地者不見。天精卽天晴。陽晶卽陽精。○史記天精而景星見。注精卽晴。直翁引作天醒。今本注韋昭曰。精謂清朗也。漢書作姓。亦作醒。正訛王姓。按姓不見經傳。從夕生無義。反不若晴字之爲當也。六書統以古月字。子才以爲晴。古文奇字。収𠄎爲古晴字。則晴正合古文。徐鉉不知耳。古精亦通晶。晶爲星光。易林陽晶隱伏。卽陽精。朱氏以精爲米細。故精神亦作晶神。

霽淞。凝霧也。○張子賢墨莊漫錄曰。寒氣如霧。結木如珠。見現乃消。齊魯人謂之霧淞。諺云。霧淞重。霧淞窮。漢置飯甕。蓋歲穰之兆也。曾子固齊州冬夜詩。香清一榻氈毳煖。月淡千門霧淞寒。又有霧淞詩。霧淞開花處處同。舞人齊插玉籠鬆。東坡送曹仲錫詩。祇有千林鬢鬆花。鬢鬆卽霧淞。音夢送。智按。今唐韻淞在平聲。別有淞在送韻。凍淞。冰也。爾雅。天氣下。地不應曰霽。霽在宋韻。音蒙。弄切。霧淞之霧。音夢。正是霽字。一日閱曾公袞與韓子蒼作冷語。有曰。千林霧鬆。水搖風。此正得之。但霽字不見字書。集韻霽本作霧。又作霧。淞字則正爲吳淞江。淞字爲凍。反

通雅 卷之十一 江止齋  
在平聲。此則前人未盡載通轉之音。而各時方言異也。今江北霧淞俱平。而呼霧如毛矣。鄭樵注爾雅霧卽蒙字。轉注去聲。漢書引易傳云。有蜺蒙霧。上下合也。又曰德不試。空言祿。茲謂王竄臣。天蒙起而白。下相攘善。茲謂盜明。蒙黃濁。下箠刑。茲謂分威。蒙而日不得明。古文尚書雨霽雲團克。今作蒙。才老外禦其務。音蒙。此其証也。有稱迷宮步障者。此見清異錄。柴世宗謂韓彥卿曰。迷宮步障。霧也。威屑。霜也。教水。露也。水子。雹也。氣母。虹也。屑金星也。秋明大老。天河也。凡此是小家臆造之綺藻。終近俗艷。非雅故也。

祆神。卽逐稱天神也。○墨莊漫錄曰。東京城北有祆廟。音呼烟

切。孟元老亦載右掖門祆廟。祆神本出西域。貞觀五年。大秦穆護同入中國。俗以火神祠之。名波斯寺。更名大秦寺。字從天誤作祆。從天。故張有載。侗輩皆以禡祆妖詭合爲一字。黃公紹韻會。作馨烟切。于蕭韻祆字。引元結頌。蠲除祆災。又虛烟切。故方子謙合爲一處。智嘗按此字起于唐。唐官品有祆正。旣通西域。因其言而造祆字。以爲其神。故在新附例。長箋曰。芻門大半。事天爲室。釋典有九十五種外道。又言九十六小乘禪在其中。漢時佛法初來。祆字未立。唐玄奘有西域記。始詳其法。故徐鉉補之。又按杜預注左傳。有睢入泗水。次有祆神。皆社祠之。則火祆自晉已入中國矣。姚寬曰。段成式載孝億國事祆。相傳漸入中

國自穆護之入唐。立祆正。則自唐始正其名耳。同經佛謂心生天地。故壓天王。儒言所以爲天者大極。固統天地者也。物所以物。卽天所以天。心也。性也。命也。聖人貴表其理。其曰上帝。就人所尊而稱之。

奔月當爲仝肉。猶黃姑當爲河鼓也。○河鼓三星見天官。說文引何鼓。是荷負也。故俗名擔鼓星。古樂苑東飛伯勞歌曰。黃姑織女時相見。子美用星落黃姑渚。蓋因河鼓音近。而訛爲黃姑也。王道俊玄象博議。謂黃姑乃牛宿之異名。智嘗陔馬永卿不知爾雅有兩牽牛。今王君又爾雅。郝楚望曰。淮南覽冥訓。羿請不死之藥于西王母。姮娥竊以奔月。當作仝肉。死畜之肉。以藥坩之。可令復生。後世誤作奔走入月耳。高似孫引梁丘子。鬱儀奔日。結隣奔月。七聖記曰。鬱華赤文。日精也。結隣黃文。月精也。說郛宋敏求長安志。引作結隣。六典作結隣。此皆後造。姮娥卽嫦娥。總以史繩祖常儀占月爲是。曰奔月亦是附會。

史繩祖以常儀爲官名。郝楚望以常娥常儀織阿爲一。趙凡夫言姮娥改爲嫦娥。○姮娥卽嫦娥。或作常儀。儀娥古同音。趙凡夫言爲姮娥。後改恒娥。避文諱改常娥。或作姮娥。郝公又以織阿卽常娥。則不必矣。方子謙曰。古者羲和占日。常儀占月。皆官名也。左傳有常儀靡。卽常儀氏之後。一作常羲。後世訛爲常娥。此升菴因史繩祖估俾緒論也。山海經曰。羲和生十日。常羲生

月十有二。生蓋王字之訛。呂覽作占日占月。

哀鳥卽依鳥。○天官書一十五星蔚然曰卽位。漢書作哀鳥。此蓋班馬各用字形容之。皆謂其攢聚紛芒之狀也。按星經作依鳥。故晉唐人皆作依鳥。因謂卽官爲依鳥。府郝氏以歸邪讀爲龜蛇。以蔚然讀爲哀鳥。暖鬱皆非也。歸邪狀如太白。注邪音蛇。此讀作夷。而非龜蛇也。郝公未考耳。古無皆來韻。哀字作衣音。如優侏讀爲依稀。

月魄謂之決鼻。○乾鑿度曰。月八日成光。穴鼻始明。注穴決也。決鼻兔也。緯書爲漢人所造。則漢時方語。必有以月魄爲穴鼻者。

望舒月御。言月至望而舒也。○古人造詞。嘗以意爲之。

蔚藍猶碧落也。或曰紫落。或曰青冥。或曰黃乾。或曰泰鴻。猶今之言彼蒼言穹蒼耳。○老學菴筆記曰。蔚藍乃隱語天名。非可。以義理解也。杜子美梓州金華山詩云。上有蔚藍天。垂光抱瓊臺。猶未有害。韓子蒼乃云。水色天光共蔚藍。乃直謂天與水之色。俱如藍。恐又因杜而失之。智謂放翁泥矣。蔚藍者。正猶碧落。亦指天之色也。王勃曰。翟楚賢有紫落賦。卽碧落也。以此知碧藍。皆指其色明矣。楚辭注青冥。天也。東漢書黃乾。皇天也。鵠冠子言泰鴻謂天也。無功引黃甲青丙爲天名。此則算法立界之名耳。陶穀曰。晉出帝呼天爲碧翁翁。孟郁碑浩蒼卽昊蒼。段成

式言天姓張名堅字刺渴妄之妄矣。

八風所引不同。○陳侍中王叔齋籟紀云。條風一曰炎風。起自變天方土之蒼門。從東北來。明庶風一曰谷風。起自界天開明之門。從東方來。清明風起自陽天波母之門。從東南來。景風一曰凱風。又曰薰風。亦曰巨風。起自赤天之暑門。從南方來。涼風起自朱天編駒之白門。從西南來。闐闐風亦曰盲風。又曰颼風。亦曰泰風。起自成天之閭闔門。從西方來。不周風一曰麗風。起自幽天幽都之門。從西北來。廣莫風一曰寒風。又曰涼風。起自玄天之寒門。從北方來。呂覽八風。東北焱風。東滔風。東南薰風。南巨風。西南涼風。西颼風。西北厲風。北寒風。焱一作條。巨一作

景。字彙作西颼。音欬。韻會作西颼。非颼字。今呂覽本西方曰颼。風東北曰炎風。黃梅必有誤矣。闐闔一作閭闔。谷風一作穀風。王莽傳其夕穀風迅疾。卽谷風。莽傳又曰列風。卽烈風。說文作颼風。

颼風。颼風也。○沈佺期夜泊越州詩。颼颼縈海若。霹靂耿天吳。颼颼音暗兪。蓋指颼風也。韻書向無此二字。子瞻颼賦。斷霓飲海而北指。赤雲夾日以南翔。此其兆也。常以五六月發。颼音具。在遇韻。言東西南北之風皆具也。春夏夏秋之交。見斷虹狀。名曰颼母。夏秋間。大風拔木揚沙。謂之風潮。并水湔湔。近海之地。多崩陷。名曰海咲。皆與颼風同作者也。元美以颼母好對孟婆。

趙凡夫以說文止有颶字。大風也。于筆切。遂不信有颶字。以爲颶訛爲颶。而好事者強解爲颶。智謂此字在海上相呼。上古造字時。何能一一名之。今惟颶字見于史冊。唐有颶海道總管蘇海政討龜茲。又有謝颶王特勒。而颶字止見于孫韻。是一疑也。故存其說。

天文 曆測

昕天。軒天也。○李石曰。釋天六等。一曰蓋天。二曰渾天。三曰宣夜。舊說云。殷代之制。四曰昕天。昕讀爲軒。言天北高南下。若車之軒。吳時姚信所說。五曰穹天。虞氏所說。六曰安天。晉時虞喜所論。今按黃赤二圈。切線二極。欹斜正。軒形。緯畧引賀道養渾天記。近世之術。一曰方天。二曰軒天。

九蒼九重九關九乾九靈九閔九陔九位皆言九天也。○阮藉用九蒼之高。天問云。圜則九重。王逸注。招魂。九關卽九重也。崔駰達旨用九乾。王褒九懷與魏張淵賦用九靈。楊雄用九閔。相如用上暢九陔。樂志。逝九閔。陔陔皆階也。靈顯言天有九位。道書言九霄。大霄琅書亦分九天之名。九天之名。分析于太玄。詳論于吳草廬。覈實于利西江。按太玄經。九天。一中天。二羨天。三從天。四更天。五晬天。六廓天。七咸天。八沈天。九成天。此虛立九名耳。吳草廬澄始論天之體實九層。至利西江入中國而暢言之。自地而上。爲月天水天金天日天火天木天土天恆星天。至

第一重為宗動天。去地六萬四千七百三十二萬八千六百九十餘里。地心至月天四十八萬二千五百二十餘里。地球周九萬里。日輪大于地球百六十五倍。又八分之三。大于月輪六百三十八倍。又五分之一。而地球大于月者三十八倍。又三分之一。諸曜各以例推之。此九層相包如蔥頭。日月星辰定在其體內。如木節在板。因天而動。而天體本明通透如琉璃。毫無限隔也。恆星分為六等。其第一等大于地球一百零六倍。又六分之一。次者漸減。此以自然之數度推之。地與海本是圓形。而同為一球。居天球之中。如鷄卵黃在青內。有謂地為方者。乃語其定而不移之性。非語其形體也。天既包地。則二極周度緯度

赤道皆相應。但天包地為甚大。其度廣。地處天中為甚小。其度狹。直行北方二百五十里。北極出高一度。足徵地形果圓。周九萬里。厚二萬八千六百三十六里。零三十六丈。上下四傍皆生齒居。如蟻之遊。大氣鼓之。各以足所履為下。首所向為上。利公自太西浮海入中國。至晝夜平線。見南北二極皆平轉。南過大浪山。見南極出地三十二度。則大浪與中國正對矣。又按西書南亞墨利

加瑪八作正  
中國對足處

故以瓜喻之。自北帶而南。臍為五帶。曰北極圈內。

曰南極圈內。遠日而冷者也。曰在晝長晝短二圈之間。其地甚熱。應赤道近日故也。曰在北極晝長二圈之間。曰在南極晝短二圈之間。此二地謂之正帶。日迤照者也。又以地勢分五大州。

曰歐邏巴。南至地中海。北至臥蘭的亞及冰海。東至大乃河。墨河的湖大海。西至大西洋。曰利未亞。南至大浪山。北至地中海。東至西紅海。仙勞冷祖島。西至河摺亞諾蒼。卽此州。只以聖地之下。微路與亞細亞相聯。其餘全爲四海所圈。曰亞細亞。南至沙馬大臘。呂宋等島。北至西增白臘及北海。東至日本島。大明海。西至大乃河。墨河的湖大海。西紅海。小西洋。曰南北亞墨利加。全爲四海所圍。南北以微地相聯。曰墨瓦臘泥加。盡在南方。惟見南極出地。而北極常藏焉。其界未審何如。故不敢訂之。惟知其北邊與大小瓜哇及墨瓦臘泥峽爲境。大約各州有百餘國。愚者曰。金水附日爲輪。其言日大于地百倍餘。余不謂然。日光甚烈。人在地上。必然死矣。寫天日大于地。以地影盡而言之也。不知光嘗肥。影嘗瘦。不可以直線取。

燈漏沙漏。皆因漏刻而名也。○曆家大抵以漏刻極長于六十。極短于四十。嘗聞前輩言。惟正統己巳官曆。晝刻三十九。夜刻六十一。以爲陰過。故有土木之變。元授時曆。則長極于六十二刻。短極于三十八刻。以爲驗于燕地。稍偏北。故然。外國有蒸羊脾未熟而天明者。則短又不止于三十八刻而已。○燈漏。今不傳其製。沙漏。今多有之。以瓶貯沙。漏下定刻。皆本于水漏。以水浮箭也。遠公弟子于匡山作芙蓉漏。浮水上。便于轉水。吳處厚曰。龍圖燕公肅任梓潼青社。作蓮花漏刻。倣匡山也。○漏水之

製以銅作四櫃。一夜天池。二日人池。三平壺。四方分壺。自上而下。一層低一層。以次注水入海。浮箭刻分而上。每刻計水二斤八兩。二箭當一氣。每氣率差二分半。四十八箭周二十四氣。其漏箭以百刻分十二時。每時八刻二十分。每刻六十分。初初正初各十分。故每時共五百分。十二時總計六千分。歲統二百十六萬分。悉刻之于箭。以今尺度箭之刻分。尺之十分準刻之十分。初初正初如尺之一分。初一正一如尺之六分。此其大畧也。議者謂冬寒水澁。不能如法流行。近有以鐵丸圓轉代流水者。如今自鳴鐘亦一法也。又元朝立簡儀。爲圓室一間。平置地盤。二十四位于其下。屋背中間作圓竅。以漏日光。可以不出戶而知天運。此與日晷之用正同。才可施之。暗晝耳。出外別有燈漏沙漏。色目人有玲瓏儀。皆巧製也。

雲漢細星之光也。○夏小正七月漢案戶。言天河直戶也。埤雅曰。河精上爲天漢。楊泉物理論曰。水氣發而升。精華浮上。西學以窺天鏡窺之。皆爲至細之星。如郎位旄頭而微望之。則若河耳。智來嶺表數年。又見一奇事。河漢以十月收。以二月見。天下皆然而嶺表臘月晴燠之夜。仍見河漢。總不收隱。此從古無人道破者。今西圖增入微星。又測觜入參度四十分。皆前所未有。博物志言天河與海通。浮槎見織女。歸訪君平。乃寓言耳。天官列宿。日月五星之所經宿也。○史記天官書二十八宿少

一宿。比宮玄武不載壁宿。何也。爾雅有東壁而不載女。晉志始詳載。亢音剛。牛曰牽牛。女曰須女。室曰營室。壁曰東壁。室壁曰定。觜曰觜觿。音資。參罰一曰參伐。井曰東井。鬼曰輿鬼。楚語曰龍蛇言房心尾爲龍尾也。十二次合降婁。降平聲。河鼓亦曰牽牛。與織女對河。後河鼓訛爲黃姑。梁樂府云。黃姑織女時相見。因而爲牛郎織女之說矣。宿爲日月五星之所經宿。曰宿。當音夙。後讀作秀。解頤新語曰。元命包以柳爲五星。天文志星經以柳爲八星。心以三月見東。囑以正月見東。詩言三五在東。乃一時所見耳。心囑見東方。不能同時。則五非囑明矣。此卽仁寶所以咲王厚齋孫季昭不識天文也。然又曰亢氏房心合十五星。智按書言三五言其稀耳。何必如此拘拘耶。如三光爲日月星。此常談也。鄉飲酒義注三光三大辰也。昭十七年星孛大辰。公羊曰大火也。比辰亦爲大辰。以此爲三。此可不謂迂乎。懶真子言亢不當音剛。氏不當音低。觜不當音些。智謂亢如頭。頭亢原音剛。觜爲口觜。古原音資。後人轉爲上聲耳。氏爲天根。當如四圭有邸之底。

中宮黃龍。謂軒轅也。○玄象博議曰。五行五緯五事。而二十八宿。何不言中央邪。石氏星經曰。中宮黃帝。其精黃龍爲軒轅。首枕星張。又靈憲言黃耳軒轅于中。與蒼龍朱雀白虎玄武爲五。然後知土位夏季。軒轅亦寄居鶉火。主雷雨之神。後宮之象。雷

電風雨。霧霜露雲。虹蜺背商抱珥十四變。皆主之。亦猶土之無定位。而金木水火。賴以成與。

章閏閏法也。○朱子言曆家以一日爲九百四十分。據當時之四分曆法也。所謂九百四十分日之二百三十五者。是一日內二百三十五分也。所謂餘分之積五千九百八十八者。一會餘四百九十九。以十二會乘之。得五千九百八十八也。所謂如日法九百四十而一者。如算日之法。以九百四十分爲一日也。得六者。得六日也。不盡三百四十八者。將餘分五千九百八十八除之。六日外。猶餘三百四十八分也。日行積三百六十五日九百四十分日之二百三十五。與天會。是一歲日行多五日。又二百三十五分也。月行積三百五十六日九百四十分日之三百四十八。爲十二會。是一歲而月行少五日。又五百九十二分也。將日行所多五日。又二百三十五分。合月行所少五日。又五百九十二分。通得十日。又八百二十七分。一歲之閏率也。三歲一閏。合三歲之間。日行所多。月行所少。通得三十二日。又六百單一分也。五歲再閏。合五歲之間。日行所多。月行所少。通得五十四日。又三百七十五分也。十九歲七閏。合十九歲日行所多。月行所少。通得整日一百九十。每歲餘分八百二十七。以十九乘之。得一萬五千七百一十三。以日法九百四十分而一除之。得十六日。猶餘六百七十三分。并一百九十日。通二百單六日。又

六百七十三分也。今爲七閏月。每月二十九。通二百單三日。每月餘分四百九十九分。以七乘之。得三千四百九十三。以日法九百四十分爲一除之。得三日猶餘六百七十三分。并二百單三日。通二百單六日。又六百七十三分也。所謂氣朔分齊者。十九年合氣盈朔虛。得二百單六日。不盡六百七十三分也。閏月亦二百單六日。不盡六百七十三分。氣之分與朔之分。至十九年而皆齊。此所謂氣朔分齊。而爲一章也。齊東野語。咸淳庚午十一月三十日冬至。至後爲閏十一月。浙西安撫作章歲積日圖。力言置閏之誤。謂曆法以章法爲重。章法以章歲爲重。蓋曆數起冬至。十九年爲一章。七閏。以第七閏在冬至之前。必章歲

至朔同日。此其綱領也。閏法曆宗通義曰。回回曆。西域馬可之地。阿刺必時異人馬哈麻之所作也。其元起于隋開皇十九年。已未之歲。其法以三百五十五日爲一歲。歲有十二宮。宮有閏日。凡百二十八年。閏三十有一月。又以三百五十四日爲一周。周有十二月。月有閏中。凡三十年。閏十有一月。歷千九百四十二年。而宮月甲子再會。其白羊宮第一。日日月五星之行。與中國春正定氣日之宿值同。其用以推步分經緯之度。著凌犯之占。曆家以爲最密。元之季世。其法始東。齊東野語曰。杜征南長曆。竊有疑焉。如隱公二年。閏十二月。五年。七年。亦皆閏十二月。然猶是三歲一閏。五歲再閏。如莊公二十年。置閏。其後則二十

四年。以至二十八年。皆以四歲一閏。僖公十二年閏。至十七年方閏。二十五年閏。至三十年方閏。率以五歲一閏。如定公八年置閏。其後則十年以至十二年四年。皆以二歲一閏。失之愈疏矣。閔之二年辛酉既閏。僖之元年壬戌又閏。僖之七年八年。哀之十四年十五年。皆以連歲置閏。愈疏之甚。至于襄之二十七年。一歲之間。頓置兩閏。蓋曰十一月辰在申。司曆過也。尤覺其謬。殆不可曉。沈存中云。近世精于曆者。莫若魏朴。春秋日食三十六。諸曆通驗。密者不過得二十六。惟一行得二十七。朴乃得三十五。朴能不用算。推古今日月食。但口誦乘除不差一算。至姚虞孫乃出新意。舛差不驗。至宣和間。方士魏漢津。倡爲黃帝

夏禹聲律身度之說。不以纍黍而以帝指。妄也。通書少曆之始。謂之上元。必以日月全數爲始。于前更無餘分。以此爲端首。由漢以來。以曆數名家者。惟太初曆。以四千六百一十歲爲一元。以八十一爲分歲。已盡。都無絲髮之餘。重新起曆。是時定十一月甲子朔旦。夜半冬至。日月合璧。五星如連珠。乃新曆之第一日。故謂之曆元。漢元封七年。始當其時。故改秦曆用漢曆。改秦正用夏正。古曆十九歲爲一章。章有七閏。八章三年閏九月。六年閏六月。九年閏三月。十一年閏十一月。十四年閏八月。十七年閏四月。十九年閏十二月。若于後漸積餘分。大率三十二日。則置閏。每月三十日餘。以日月會爲一月。則每月惟二十九日。

餘。每月參差。氣漸不正。但觀中氣所在。閏前之月。中氣在晦。閏後之月。中氣在朔。無中氣則爲閏月。直指問曰。劫按曆法。十九年七閏爲一章。其間五歲再閏者。二餘亦不滿六歲。故舉其大數曰五歲再閏。二十七章爲一會。三會爲一統。三統爲一元。四千六百一十七歲。冬至甲子朔旦無餘分。此太元之曆法也。是謂天統。千五百三十九歲。甲辰朔旦冬至無餘分。是謂地統。又千五百三十九歲。甲申朔旦冬至無餘分。是謂人統。凡元二千四百三十三章也。大約論之。西法行陽曆。以太陽爲歲。自今歲冬至至明歲冬至。三百六十五日。分十二月。三十日。或三十一日。爲一月也。所餘四分度之日爲三時。積四年而爲一日。故每四年閏一日。有閏日之月。無閏月之年。中國以大陰爲曆。故有盈虛。以月爲主。而大陽節氣。反分注于月之下。大陽曆則以節氣爲主。而朔望分紀于節氣下矣。

章部紀元。歷之大槩積數也。○古法以紀部爲宗。從伏羲先天甲寅。積周一千八百一十四紀。再入十五紀。人元一十有二部。當癸酉部。歲在巳丑。而生帝堯。至甲辰歲十有六卽位。越二十有一歲。得甲子。而演紀作曆。是半天正冬至日在虛一度。按乾鑿度。皇極經世。及漢皇甫謐所載。井然堯在位七十二年。舜五十年。夏四百三十二年。商六百二十九年。周八百六十七年。秦莊襄終二世四十二年。前後漢合四百二十六年。至太初一百

三年。太初至唐開元甲子。凡八百十七年。開元甲子至宋朝慶曆甲申。凡三百二十一年。三統曆七十六年爲一部。二十部爲一紀。積一千五百二十歲。凡紀首皆歲甲寅。日甲子。卽以甲子之日爲初部。名甲子部。一也。滿七十六歲。其後年朔日次癸卯。卽以癸卯爲部首。二也。從此以後。壬午爲部。三也。乙酉部。二十也。是一紀之數。終而復始。以今括而言之。漢至章部紀元之說。十九年七閏。而至朔同日。謂之章。七十六年四章。而至朔同在甲子日。謂之部。凡一千五百二十歲。而至朔同在甲子時。謂之紀。凡四千五百六十歲。而至朔同在甲子年。謂之元。此作曆之本也。康節元會運世。以年月日時爲確證。以二六與五六相乘。以通期自乘。十二萬九千六百之數符。元其元。無盡也。此恆法也。入曆自以盈虛質測定之。趙爽周髀算經。二十部爲一遂。三遂爲一首。首四千五百六十歲。周髀云冬至日。照三不覆九。夏至昭九不覆三。謂分十二方而言也。又嘗按諸太西云。自開闢至崇禎甲申。六千八百四十年。依所製稽古定儀推之。止五千七百三十四年。先儒胡一桂云。伏羲神農。去洪荒未遠。不當知夫羲農以前。可以千計。不可以萬計也。

歲差黃道積差也。今之法。密于古矣。○元史郭守敬之授時曆。一以考測爲主。以至元辛巳前。冬至日時分秒爲氣應。以冬至距朔之日爲閏應。而歷代積年之法。俱廢矣。以日爲萬分。分百

爲抄。而歷代日法俱廢矣。推其歲日加氣應。卽來歲之冬至也。以歲實加閏。應滿朔實去之。卽來歲之閏餘也。以今考之。古之歷自黃帝迄秦末。凡六改。漢凡五改。魏文迄隋末。十二改。唐高祖迄周末。十六改。宋凡十八改。金熙宗迄元末。凡三改。夫亦以理與數揆之。有不容不改者在也。嘗考堯時冬至初昏昴中。日在虛七度。漢元和三年。冬至日在斗二十一度。晉大元九年。在斗十七度。宋元嘉十年。在斗十四度。唐開元十二年。在斗九度半。宋改統天曆。在斗二度。元改授時曆。退在箕十度。至近時嘉靖間。冬至初昏室中。日在箕二度。起堯甲辰。至于今。計年凡三千九百有奇。度之差已五十餘矣。自漢鄧平改曆。洛下閎謂百年後當差一度。漢末劉淇作乾象曆。有歲餘之法。晉虞喜始以天爲天歲爲歲。立差以追其變。而算之以五十年。退一度。然失之太過。後何承天倍增其數。約百年退一度。而又不及。至隋劉焯折取二家中數。爲七十五年。唐僧一行大衍曆。則八十二年。宋統天曆。則六十七年。惟元郭太史守敬。及許衡王恂輩。測景驗氣。以至元辛巳。爲曆元。減周歲爲三百六十五日。二十四分二十五抄。加周天爲三百六十五度。二十五分。七十五抄。強弱相減。差一分五十抄。積六十六年。有奇。而退一度。定爲歲差。上考往古。則每百年長一。下驗將來。則每百年消一。又推自春秋獻公以來。二千一百六十餘年。凡四十九事。而不合者。僅十事。

耳。及至洪武中刻漏博士元統。以洪武十七年甲子歲前冬至為大統曆。雖不用消長之法。而積分猶仍授時之制也。然行之已久。不能無差。如正統十四年己巳朔。二至之晷。有晝夜六十一刻之文。正德九年八月朔日食。十三年月朔日食。曆官所報。分抄起復數。俱不合。嘉靖初。掌欽天監事華湘。奏自元辛巳至元統。上言時。僅一百四十。迨今則二百五十年。授時曆法。每歲差一分五十抄。約六十餘年。差一度。今合差三度餘。西法定以六十六年八閏月。而差一度。曆立經度緯度。日月食。分各省時刻分秒。可謂密矣。又王曰俞言。每歲差一分三十五抄。蓋日纏者日之行。積三百六十五日四分度之一。而與天會。是為一

歲也。月離者月之行。每日一周不及十二度十九分度之七。積二十九日九百四十分日之四百九十九。而與日會。是為一月也。日與天會者。一歲一次。而二十四氣。由之以生。然二十四氣。凡三百六十五日有奇而周。則是與三百六十外盈五日也。月與天會。一歲十二次。而十有二朔。由之以生。然十二朔。凡三百五十四日有奇而周。則是于三百六十之中。虛五日也。日法者。分一日為十二時。又細分為百刻。又細分之。則如四分曆。以為九百四十。太初曆。以為八十一。大衍曆。以為二千四十。是也。蓋取其便于步推氣朔而已。日何嘗有法乎。斗分者。斗柄指十二辰。而又細分為二十四氣。又細分之。則于大初。以為三百八十

五大衍以爲七百九十九是也。今西法改萬分百秒爲六十秒，以便于三分四分無奇零也。要之本無定法，惟善推者得力在捷耳。歲差二萬五千年而一周，約六十八年八閱月差一度。崇禎時立局修曆，玉山魏太乙奉旨別局，改修授時大統諸法，已竝用湯羅兩西士立局講求，而究不能定，則當事無決之者。北海薛氏曰：中曆不及西士者，凡有數種。一曰經星度差，由于黃赤道二極不同心，星繫赤道而執黃道之部次以求合，故自洛下閎以及郭守敬諸名家測驗無符者。一曰宮分，今古不同，由于黃赤交道西行，自有書契來，春分日纏角，中漸西至，進賢又至左執法，于是而執一定之說，遂至寶瓶等十二宮皆差八度。

有奇。一曰月將之差，由于節氣二者皆太陽行度也，寧有節氣已到而月將未到者乎。一曰節氣之差，由于均分平年，太陽行度之有贏縮，定朔與交氣皆用之，過宮之行，豈二十四平除可盡乎。一曰推步不同，中曆止于句股割圓，而西分正弦餘弦切線割線等八法，二者其類不同，粗細亦分，焉能一一符合。一曰測景不同，中曆測于二至，西法獨重二分，太陽本輪既殊，赤黃交極各異，且青蒙差多，焉能存在不爽。一爲交食分數，日食本于月影，月食本于地影，卽如大都之東近海，清蒙差多，西遠海，清蒙差少，非一日之贏縮，月之遲疾，可無遺策也。一爲五星緯度，經度如二儀之朔望，緯度如二儀之交蝕，卽如太陰犯昴，太

陰犯土之類。每九年一次。十二月多然。此天地之情也。偶爾目力所及。暗陰互異。豈遂得真也。天道十年一變。實無時不變也。今大統本于授時。授時本于大明。千二百餘年于此矣。焉得無差。而西曆于萬曆癸丑。方經改定。崇禎戊辰。尚多測改。其疏密可知也。至于五星。則自張氏至今千餘年。人未問及。測步不合。委之失行。何以西曆推其經緯。更真于日月邪。法更立正弦餘弦。正切餘切。正割餘割等線。始以三角對數法。為測量新義。詳見天步真原。熈曰。列宿有進退。度數有增減。日月有上跳下跳。黃赤相距有遠近。非特古今之不同。究時時有差變也。未可立一定法算。惟隨時測之。乃準耳。

唐之水臬。卽考工之置槷。眠景也。○匠人水地以縣。置槷以縣。眠以景為規。此郝氏讀也。故書槷或作弋。玄謂卽臬。通卦驗曰。立八神。植八尺之表。考靈曜曰。從上向下八萬里。故以八尺為法。四角四中。故須八神。神卽引也。伯厚曰。神卽垂。非也。宋天文志。韓顯符造銅候儀之制。有九。九曰水臬。十字為之。以水平滿而準也。

七襄有七易之說。○王道浚若谷曰。七襄更肆者。今占步家。將一夜昏。且五更中星。分之為七。由昏而遍曉。中星凡七易。所謂七襄也。若云自卯至酉是七時。且專言日晝之事。如上文維天有漢。監亦有光。將謂日中見天。漢之光。豈理也哉。下章維北有

斗西柄之揭。則斗柄指申。蓋秋時也。秋分晝夜均。星行之次。日與夜無以異。故曰終日七襄。智按魏朴言日襄斗襄法甚詳。蓋古時謂旁曰襄。二十八宿分四方。方為七。而星家以七曜細配之。或當時有此語。而詩人借義言之。此篇正多借義。

距度。言赤道與黃道相距也。○舊法赤道去黃道相距二十四度。西法考定二十三度。今更攷之得二十三度一分。蓋數千年而一遠一近者也。太陽之行亦有高有低。蓋數千年而與世近。又漸與地遠也。

星士分野。隋唐之志為詳。然自西法圖成。則兩戒之說荒唐矣。兩戒即兩界。○天文分野。秘占所云鬼料竅。青田書本之。相傳

各有入度。余求其說難通。夫天常運而不息。地一成而無變。以至動求合至靜。未易以齊。此其難通者一也。若以形象所主。必有相當。氣類之應。乃出自然。不應各有入度之限。况天之一度。

當地之九千二百餘里。

細按經星天依徑七周二十二率算。每度得五百五十五萬八千四百六十里。

則天大而地小。九礙駝合。此其難通者二也。且以輿地言之。閩粵交廣。東通吳會。謂之揚州。實當中國之半。而分星所屬。止斗牛女三宿。則又地廣而天狹矣。此其難通者三也。智嘗謂隋志載見南極老人星下。尚有大星無數。此已明矣。利瑪竇為兩圖。一載中國所嘗見者。一載中國所未見者。天河自井接尾箕。盡垓埏萬方。而分度界之。真可謂決從古之疑。一行兩戒之論。辨

若縣河。以今直之。皆妄臆耳。其以北斗分野。太極干支分野。或自一術云。兩戒卽兩界。因天官書星。第乎河戒也。今天法一度。當地二百五十里。未見之星。如海石。火鳥。金魚。小斗。曰滿刺加星者。滿刺加國始見也。天官書曰。甲乙四海之外。日月不占。晉注曰。甲乙主海外。以遠不關中夏事。故不占也。智按漢藝文志有海中占。豈漢時亦有言海外星者。中國置之甲乙科而不問邪。

按晉志。角元氏屬鄭交州。東郡入角一度卽魯地。東平任城山陰入角六度。泰山入角十二度。

濟北陳留入元五度。卽東阿縣濟陰。房心宋豫州。穎州入房一度。汝南入房二度。

入氏一度。濟寧曹縣東。平入氏七度。房心宋豫州。穎州入房一度。汝南入房二度。

二度。沛郡入房四度。梁國入房五度。淮陽入心。尾箕燕幽州。涼一入箕十度。卽居庸關上谷入尾一度。漁陽入尾三度。古北平入尾七度。西河上郡北地遼西東入尾十度。涿郡入尾十六度。渤海

海入箕一度。卽登州樂浪入箕三度。卽高麗玄菟入箕六度。卽遼東鴨綠之分。理廣陽入箕九度。卽廣平府。斗牛女

吳越揚州。九江入斗。一度。廬江入斗六度。豫章入斗十度。丹陽

牛八度。卽揚州泗水入。虛危齊青州。齊國入虛六度。北海入虛

女一度。六安入女六度。室壁衛并州。安定入室一度。天

入危四度。東萊入危九度。平原。室壁衛并州。水入室八度。卽鞏

昌府秦州秦安縣隴西入室四度。酒泉入室十一度。今肅州衛

張掖入室十二度。今甘肅州衛武都入壁一度。金城入壁四度。臨

洮蘭州武威入壁六度。燉。奎婁胃魯徐州。東海入奎一度。琅琊

煌入壁八度。陝西沙州衛。昂畢趙冀州。魏都入昂一度。大名

縣高密入婁一度。城陽入婁。昂畢趙冀州。魏都入昂一度。大名

九度。膠東入胃一度。萊州。趙州廣平入昂七度。中山入昂八

順德府恒山入昂五度。真定趙州廣平入昂七度。中山入昂八

度。清河入昂九度。屬廣平信都入畢三度。冀州安平入畢四度

屬晉州趙郡入畢八度。邯鄲縣河。冀參魏益州。越雋入冀一度

間入畢十度。真定入畢十三度。冀參魏益州。越雋入冀一度

四川黎州蜀郡入參一度。健爲入參三度。屬四川嘉定州。并

河入參五度。巴屬入參八度。漢中入參九度。益州入參七度。并

天

鬼秦雍州 雲中入井一度卽忻州定襄入井八度雁門入井十

入鬼二度 柳星張周二輔 弘農入柳一度卽陝州河南入星三

卽潞州 張九度在 翼軫楚荊州 南陽入翼六度南郡入翼十度荊州江

懷慶州 廣西桂林武陵入軫十度屬常德府零陵入軫十一度長沙入

軫十六度又按經星二萬五千餘歲行天一周進退跳躍故古

今來各宿所距度分前後增減不一如天樞一星古離北極二

度今更踰二度有奇舊籍距參三度今且侵入參二十四分方

域所轄亦各以世殊如河西五郡雍也反屬于衛山西雁代本

冀乃屬雍州職方輿圖種種不一以地戒天者可以憬然矣

通雅卷之十一終

通雅卷之十二

桐山方以智密之輯著

同里姚文燮經三較訂

天文 陰陽

會易者一易之音也。○一而已。日月爲易。加一爲易。而覆云爲

令。一也。易也會易也。皆卷舌之喉音也。卽音可知其原矣。加自

爲山之陰陽。鑿度作陰陽。

手足三陰陽。參兩而倍之也。五運周六氣。乘爲三十而倍之也。

○一陰厥陰。二陰少陰。三陰太陰。一陽少陽。二陽陽明。三陽太

陽。是陰陽二而參之。手足各三。則十二經矣。天五地六。而鬼與

通雅 卷之十二 一 江山此鼎車  
區曰天以六爲節。地以五爲制。示本一也。五六乘爲三十。凡千四百四十氣。而又兩之爲六十。則甲子一周。大輪元會。細輪呼吸。皆此幾矣。

運氣先舉丹齡。用五六之中數。而表坤艮也。新洛陰洛。用八九之環。維而表乾巽也。○向以三月辰龍月建爲化。智按十數中于五六。而戊巳當之。河漢在天經井尾。爲坤艮。今見西圖首尾相銜。此一徵也。先舉丹天齡。天戊巳之分。火土終始化氣。而相生次序也。是河圖之寅申丑未開幾也。坤土補夏季。而四時環生。然君火耗而相火用事。坤土補不足。對衝艮土。以制有餘。歲中歲限之符也。心不用而用。包絡與命門曰心主。曰小心。亦是

一證。靈樞九宮八風篇曰。太一常以冬至居叶蟄宮。四十六日。明日居天留。如是而倉門陰洛上天。亥委倉果。新洛周而復始。居叶蟄矣。太一日游。日從一處至九日。復反于一。如是無已。智按洛書巽順射乾。分剛柔卦。此以新洛陰洛稱之。表乾巽也。是洛書之巳亥辰戌開幾也。鄭玄注鑿度。張衡傳注。皆言太一下行九宮。爲洛書數。玄宗時蘇士言。遊甲九宮。貴神司水旱。請立壇。卽今曆書三白圖法。一六八爲白。二黑三綠四碧五黃七赤九紫。亦以四時一周論之。

陽隴陰隴。子午之橋起關也。○內經言夜半陰隴。日中陽隴。而脈行應之。猶言擁起爲隴。而過此漸平逸也。莊子曰。于是橋起。

堪輿一作堪餘龕輿。古言歲時方位者也。○保章氏注曰。堪輿雖有郡國所入度。非古數也。疏曰。古黃帝時。堪輿亡。後代有堪輿者。雖非古數。時有可言。占夢注。天地之會。建厭所處之晨。今八會其遺象也。疏曰。堪輿大會。有八。小會亦有八。堪輿天老曰。假令正月陽建于寅。陰建在戌。張逸問厭對之義。答曰。案堪輿黃帝問天老事云。四月陽建于巳。破于亥。陰建于未。破于癸。是爲陽破陰。陰破陽。故四月有癸亥。爲陰陽交會。十月丁巳。爲陰陽交會。藝文志有堪輿金匱十四卷。注許慎云。堪。天道輿。地道也。孟康曰。堪輿神名。造圖宅書者。公羊疏引堪輿云。九月日體在大火口者。傳楮先生云。孝武時問其日取婦。堪輿家曰不可。後漢王景參眾家數術。堪輿日相。集爲大衍玄基。唐呂才曰。按堪輿黃帝對天老。始言五姓。後魏殷紹以黃帝四序經文撮要。爲四姓堪輿。引漢志注。堪輿天地總名。猶言龕輿也。龕與堪。戡並通。揚子劉龕南陽。劉峻辯命論。龕亂在武功。陸澄用龕鬻。郭璞用堪黎。卽戡也。蕭子顯南齊書。拯溺龕暴。卽戡暴。可證。隋志八會堪餘一卷。堪餘曆二卷。卽堪輿。今則專指風水。稱引郭璞葬經。謂之形家。

叢辰日苑。日者家言也。○漢藝文志有鍾律叢辰日苑。按日者傳曰。叢辰家曰。大凶。蓋六壬以日干爲主。小則選擇者流也。吳越春秋有六壬課。如伍子胥金匱第八。及范蠡玉門第一。卽六

壬奇門之徵。

陽九百六有三說。○漢書律歷志九厄。四千五百歲為一元。一元之中九度。陽厄五。陰厄四。陽為旱。陰為水。一說九七五三。皆陽數也。故曰陽九之厄。劉琨表曰。陽九之會。其數四千六百一十七萬為一元。初入元百六歲有厄。故曰百六之會。董卓傳百六有厄。遇剝成災。靈寶運度經。三千三百年為小陽九。小百六也。九千九百年為大陽九。大百六也。天厄謂之陽九。地虧謂之百六。洪景盧疑之者。則王澁太乙肘後備檢云。四百五十六年為一陽九。二百八十八年為一百六者也。大氏太乙論陰陽之厄。自是一數託之陽九百六。乃傳會其名耳。邵子元會運世。又是一法。以年月日辰為確証。以三百六十自乘為數符。

許慎解干支之字。皆因氣候直時書之說也。○書史言相如作凡將篇。妙辯六律。測尋二氣。采日辰之禽。屈伸其體。升伏其勢。象四時之氣。為之興降。曰氣候直時書。又後漢東陽公徐安子。搜諸史籍。得十二時書。皆象神形也。王愔曰。有十二時書。許慎說文于干支諸字。必有曲說。陰陽之氣。可見當時好立此義久矣。或曰。干支初為闕逢。因敦等稱。並無甲子之名之字。而術家專以此配五行。談生剋。不推其原。安得不惑哉。

十二生肖。即十二時書而為之說也。○方言以十二生肖配十二辰。為人命所屬。莫知所起。周宇文護母留齊。貽書護曰。昔在

武川鎮。生汝兄弟。大者屬鼠。次者屬兔。身屬蛇。當時已有此語。

北方人每以十二生肖配季為號。所謂狗兒季。羊兒季者。豈皆

譯語邪。或曰皆不全之物。子鼠目少丑牛少齒。四蹄足生骨寅

虎短項。五爪最利。卯兔缺唇。四蹄耳長。辰龍屬聰。五爪耳小。巳蛇無足。雙舌。午馬屬膽。獨蹄圓蹄也。未

羊乙木。上視。申猴屬脾。五爪。酉雞隱形。無外腎。小腸四爪。戌犬屬大。腸善走。亥豬無筋。謂無總

也。筋。王達非之曰。子為陰極。幽潛隱晦。配鼠藏迹。午為陽極。顯易

剛健。配馬快行。丑為陰俯而慈愛。配牛舐犢。未為陽仰而秉禮。

配羊跪乳。寅三陽。陽勝則暴。配虎性暴。申三陰。陰勝則黠。配猴

性黠。卯酉為日月二門。二肖皆一竅。兔砥雄毛則孕。感而不交

也。鷄合踏而無形。交而不感也。辰巳陽起而變化。龍為盛。蛇次

之。故龍蛇配辰巳。龍蛇者變化之物也。戌亥陰斂而拘守。狗為

盛。豬次之。故狗豬配戌亥。狗豬者圈守之物也。

子卯因桀紂也。斷屠月。因帝釋之察也。月忌避中宮也。○時日

之忌。固小道也。世俗亦有所自來。子卯謂之疾月。又有往亡日。

劉裕李愬皆以往亡日成功。檀弓曰。子卯不樂。蓋本於桀紂之

事。唐朝新格。又以正月五月九月為忌月。至今仕宦上任避之。

此本無謂。房玄齡等損益隋律。亦存之。以不行刑。謂之斷屠月。

此佛書智論言。帝釋以三五九月。察南瞻部州也。月忌以洛書

一二三四五數之。五值中宮。至十四二十三。皆值中宮。故避之。

納甲有數說。○蠡海集曰。乾坤父母。總攝內外上下。故子午丑

未配甲壬乙癸而六子長中少從上下生以位配之乾甲子坤乙未○

艮丙辰戌坎戊寅申震庚子午乾壬午京房易傳所謂兌丁巳亥○離巳卯酉○巽辛丑未○坤癸未

繫爻制爻義爻寶爻專爻即今之火珠林也其納甲用乾納甲

壬之說虞翻曰日月縣天成八卦象三日暮震象月出庚八日

兌象月見丁十五日乾象月盈甲壬十六日日巽象月退辛二

十三日艮象月消丙三十日坤象月滅乙晦夕朔旦則坎象水

流戊日中則離離象火就巳戊巳土位象見于中日月相推而

明生焉魏伯陽參同契則不列壬癸今堪輿家用之

音起于西商故納音甲子首金猶六十律旋相為宮法也○元

氣始于東方而右行音起于西方而左行陰陽相錯而生變化

所謂氣始東方者四時始于木右行傳火火傳土土傳金金傳

水所謂音始西方者五音始金左旋傳火火傳木木傳水水傳

土納音與易納甲同法乾紀甲而坤紀癸始于乾而終于坤納音始于金金乾也終于土土坤也輟耕本于筆

談瑞桂堂暇錄所載即王達說也今法曰納音按支位隔八相

生分三合三元依序排列首金者金聲最清也其位為羽羽五

音初輪之音也觀天氣倚乎地則十二干順布用地支六氣尊

六甲以為頭逐地而右轉察地位負乎天則十二支逆排用天

干五運列五子以為首隨天而左旋堪輿家曰干支相因遁演

成六十施于羅經內盤名曰地紀用于土圭外盤名曰大紀重

六十而百二名曰分金皆宗納音五行也訣云六旬甲子妙絕

立七七抽除地與天五減零求生數理。納音得此幾人傳。此則又非王陶所說者。智按漢志有五音奇肱。用兵刑德。一行以定八山。即古吹律聽軍定姓之法。觸幾于微至之門也。抱朴子曰。黃帝審攻戰。納音古有之。

日精在氏房。言東方也。月精在昴畢。言西方也。○若谷曰。日一星在房之西。氏之東。日者陽宗之精也。為雞二足。為鳥三足。雞在口中。而鳥之精為星。以司太陽之行度。月一星在昴之南。畢之北。月者陰宗之精也。為兔四足。為蟾蜍三足。兔在月中。而蟾蜍之精為星。以司太陰之行度。亦猶太白在亢。歲星在室。辰星在星。熒惑在心。填星在南斗。為五星居席也。智按星家有此說。然推其理。謂日生東方。氏房。東七宿之中也。月生西方。昴畢。西七宿之中也。後遂鑿附其說。

天文 月令

周公月令因夏小正。呂覽因月令。淮南因呂覽。記有異同。非後人筆也。○陸德明以為呂氏春秋。後人所刪。蔡邕王肅以為周公所作。先儒以贊傑俊。遂賢良。行爵出祿。非太尉之職。太尉秦官。沒非周公之書。予謂不然。月令之書。自大撓作甲子。占斗所建。伶倫制十二律。以節四時之度。堯命羲和敬授人時。分四仲以定中星。驗之于人。占之于鳥獸。應之于事。終以允釐咸熙。此夏時之所由起。夏小正之書。辭簡理明。固已備月令之體。周以

農開國。猶以時令爲先務。大概具見七月。周公制禮作樂。得無一代之成書。使此書盡出不韋之手。不應以十二令爲紀。各以數釋解釋于後。合爲六十一篇。太尉固秦官。所命冢宰。司徒司空司馬。與太史樂正樂師。澤人虞人四監之類。皆周官也。不韋不過改周司馬爲太尉耳。蓋贊俊傑。遂賢良。與行爵出祿。雖非太尉之職。而設儀辨位。進賢興功。制畿內封。則大司馬之任也。大率周公增益夏小正。不韋增益周公之書。其間豈得無改竄。淮南時則訓。比呂氏十二紀。又有異同。此可爲證。戴埴鼠璞。極重月令。唐明皇有御刪月令。李林甫注多異同。蓋唐有讀時令之典。卽月令也。宋賈昌朝撰時令十二卷。一行議李淳風專用

呂氏春秋。柳子厚言。月令分行政事之謬。今取七十二候之說。分配以七十二卦。則月令未可全非也。智按古人舉配佐之端。幾而推行化裁寓矣。一切法皆可環之。若不列言。將土塊耶。章俊卿考索。以月令爲然。七修類稿曰。七十二候。後魏載之于曆。欲民知驗氣序也。陳澹注多謬說。康成亦多譌處。王砥著素問。亦引呂令。與今世行呂氏春秋及曆。迥有不同。如雷乃發聲下。有芍藥榮。田鼠化鴛下。有牡丹華。王瓜生作箭生。苦菜秀作吳葵華。麥秋至作小暑至。半夏生下。有木槿榮。蟄虫坏戶下。有景天華。通卦驗亦引物候。而其書亡。智按卽瑛以五技爲鼯鼠。以螻蛄好夜出。而皆指螻蛄。旣辯鳴鴉非蝦蟆矣。而復引博勞惡

鳥卽梟。鷓旦作鷓鷯之類。不必然矣。雉响于朝。若响于鼎之類。果雌雄交鳴邪。王砮唐太僕令。自號啓玄子。陳晁皆作砮。本草六書故。月令廣義皆引作冰。何子元曰。月令章句。豕韋孟春。大春驚蟄。降婁之次。雨水春分。至後漢志始依今序。又漢以前穀雨爲三月節。清明爲三月中。

歲以紀天步。故始于仲冬。季以序人事。故始于孟春。○升菴引陸賈十二遂。元瑞辯之。六書索隱直引尚書四時成象。以象爲古歲。歲乃秦字。十月爲首。故從戌步也。焦弱侯引爾雅夏曰歲。取歲星。木生于亥而周于戌也。釋名云歲越也。越古限也。智謂劉熙從戌以聲取義。曹子建平原公主詠城闕之詩。以日踰歲。

况我愛子。神光嘗滅。則鄉音讀歲爲薛耳。陸佃曰。禾千爲季。步戌爲歲。季取禾一熟。歲期兩稔。故步至戌謂之歲。九月建戌也。智謂古呼稔字如季。蓋稔有念音。故轉平聲。蓋古尚書城丁度韻作戠耳。宋奉先曆曰。曆法布步歲之法。以冬至斗建所抵。至明季冬至。所得辰刻裏杪。謂之斗分。故歲文從步戌。戌者斗魁所抵也。要論之。戌聲耳。陸佃取一熟兩稔。義已支矣。禾生春。成于秋。春作夏長。秋斂冬藏。人事周而復始。故季從禾。四時周爲一季也。歲以紀天步。故始于仲冬。季以序人事。故始于孟春。周官太史。掌正歲季以序事。此歲年之辯也。鄭玄以正歲爲孟春。夏之正月也。正月爲仲冬。周之正月也。于始和不得其說。則曰

言始和者。猶若改造云爾。于凌人不得其說。則又曰以季冬為正歲。可謂強矣。孫氏曰堯典成歲。舜典歲二月東巡狩。則唐虞不特曰載。禹貢十三載乃同。則夏不特曰歲。太甲曰三年復歸于亳。則商不特曰祀。洪範惟十有三祀。周禮三歲計罷吏。則周不特曰季也。蓋載以始一歲而終。歲以星一周。祀以祭一歲徧。季以禾一熟。當時或班詔用之。示改朔之意。史官紀文。則可通矣。改月聚訟亦此故也。猶知府知縣。不得稱守令也。

鼎銘十有三月之文。曾南豐以為複篆。董彥遠以自卽佗之月數也。○劉原父得商洛鼎銘曰。惟十有三月。傍死魄。曾南豐曰。古如作灸。人作允。此三特二字耳。董道曰。或謂周十四月為夏

二月。元命包曰。夏以十二月為正。管子有十三月。令人之魯。二十四月。魯梁之民歸齊。二十八月。萊呂之君請復之語。邠子才曰。四十二月之科。一依恒式。彼自其君卽佗後。以月為數。其時則已再改季矣。此亦一說也。智按王厚之印譜。漢關內侯印作肉。此作灸。當時刻南豐跋語。誤肉為灸耳。原治編曰。古器銘云。十有三月。十有四月。十有九月。或云正月乙子。或曰丁子。呂與叔考古圖。謂嗣王踰年未改元。故以月數。乙子卽甲子。丁子卽丙子。世質人淳。取其同類。彥遠曰。用其剛。必取柔以成之。今術猶然。

歲陽歲名異同。○闕逢。甲。史記作焉逢。淮南作闕蓬。旃蒙。乙。史記作端蒙。柔兆。丙。史記作

游強圉丁。史記作著雍戊。著直畧切。屠維巳。史記以戊作徒維。

抵上章庚。史記作商橫。重光辛。重平聲。史記作昭陽。玄黓壬。史記作橫艾。升菴引

墨昭陽昭陽在辛。不知誰是。○攝提格寅。史記作橫艾。升菴引

作直安。安音焉。升菴引作蟬焉。楚望引漢執徐辰。淮南

丹陽麟鳳瑞像圖銘。龍起蟬焉。三月季春執徐作執除。大荒落

已。史記一作芒落履敦牂午。協洛未。史記作汁洽。履

按一本作大荒駱敦牂午。協洛未。史記作汁洽。履

反。升菴引史記作作噩酉。淮南引作鄂。升菴載籀文作詒。詒

芮漢。又作涪漢。作噩作鄂。漢志亦曰作詒。履按史曰作鄂。

闕茂茂。今按作淹。漢志作掩茂。大淵獻亥。困敦子。鼓赤奮若

與于也。

寄月卽病月。○三月爲病。直翁曰郭璞音丙。故收上聲孫炎音

况病切。按疏音孚柄切。鄭樵音柄。唐韻引爾雅三月爲寄。或曰

自正至三月。甲乙丙也。余未敢必之。病實古病字。

且月猶焦月。○爾雅六月爲且。邢音子余切。渙仲從之。京山以

爲焦月。蓋因上林賦巴且卽巴蕉。知古音通。六月盛熱故曰焦。

霜月朽月。九月也。○博南引宋詩。九月不虛爲朽月。謂多霜也。

漢韓敕修孔廟器碑。霜月之靈。九月也。永叔咲其不成語。或曰

稱菊月竹醉月。與韓鄂浴蘭月。不尤可咲乎。

來月。亦曰明月。月晦曰提月。○左傳明月。言後一月也。公羊傳

提月。六鷓退飛。提月者何。逮是月也。何休注提。月邊也。魯人語

提月。六鷓退飛。提月者何。逮是月也。何休注提。月邊也。魯人語

通雅 卷之二十二 天文 十一 浮山此病車

也。

大月良月。皆十月也。後九月。秦歸閏于終也。○呂覽任地篇。草  
論大月。高誘注曰大月。孟冬月也。諱字無訓。智疑長笛賦冬雪  
揣封之揣。音團。秦以十月爲首。故曰大月。韓鄂以十月爲良月。  
引傳曰使以十月入。良月也。就盈數焉。秦二年後九月。卽歸餘  
于終之法也。高后文帝時。屢書後九月。則漢猶未改秦曆也。  
橘滌。言歲將除也。○李石引十二月得丙曰橘滌。智按爾雅作  
十二月爲涂。注涂音徒。愚謂當音除。蓋謂歲將除也。故李石竟  
作橘滌。又按通鑑修堂涂。亦音除。卽今滁州。此可證也。  
唐有兩除夜。謂除歲與冬任也。○老學菴曰陳師錫家享儀。謂

冬至前一日爲冬任。廣記盧頂傳。是夕冬至除夜。乃知唐冬至  
前一日亦謂除夜。詩日月其除。去聲。陳氏傳其語耳。

八神。謂八引也。○轉注略曰易通卦驗。冬至日置八神樹。八尺  
之表。神讀作引。言八引者。樹杵于地。四維四中。引繩以正之。故  
名引。智按禮其慎也。注作引。應田縣鼓。注田爲胤。卽棟。信亦謂  
伸。足證神之爲引。

吁茶。言長養也。○尚書大傳曰南方者何。任方也。夏者假也。吁  
茶萬物。養之外也。吁茶讀曰嗟舒。

山谷以恢台釋長羸。○山谷跋希圓禹廟詩。高閣無恢台。直言  
無暑氣耳。楚辭恢台之長夏。恢大也。台胎也。爾雅曰夏爲長羸。

通雅

卷之二十二

天文

七

浮山北歲干

卽恢台也。高閣無長羸可乎。智按恢台。猶說文灰矣也。言火氣也。猶炎燁也。文選注引國語曰水無沉氣。火無炎燁。音補延切。蜀王衍立當面廚。烹燁。傅毅舞賦。舒恢矣之廣度。其義大也。而字以矣。蓋火氣發揚。卽有動盪廣大之意。希圓詩自不佳。然于恢矣之本訓。卻合山谷王大胎之說。反謬。

遷方。西方也。○前漢志少陰者遷方。白虎通云西者遷方也。萬物遷落也。郊祀歌象載瑜。白集西。會甘露。飲榮泉。先俞山卽西。隄。則知漢時讀西爲遷。故毛晃收入先韻。音遷。余謂當音先。如洗在薺韻。又在銑韻也。說文有栖字。遷迻也。可證西之先音。凡夫竟欲改餘糧。栖畝爲栖畝。則不必耳。

陰溼之色曰黴黶。○黴黶音梅軫。一作霉黶。溼氣著衣物生斑沫也。黶又作黶。埤雅以梅子黃時雨曰黃梅雨。人遂以黴天爲梅天。今韻會是之。四時纂要云。閩人以入夏逢庚入梅。芒種逢壬出梅。今江淮以芒種逢丙始入。小暑逢未乃出。

溽暑曰宛暘。○荀子曰夏不宛暘。宛讀作蘊。詩我心苑結。苑音蘊。亦可音愠。集韻亦作窓。又省作宛。倉公傳宛篤不發。有苑者柳。音鬱。淮南子六月天子衣苑黃。苑苑蘊宛。皆相通假。大宛及宛縣則音鴛。暘受暑也。內經曰中暘重暘。

太憇。秋祀也。○升菴引管子秋至而禾熟。天子祀于太憇。憇與葳蕤音義同。草木葳垂也。今廣韻分憇憇爲二。而六書索隱復

以風爲古昊字。太憇乃太昊也。則何以又音憇而訓歲垂乎。以式言古多複篆。如星作。累作蟲。蟲焱之類。天有五帝星。心宿其一也。爲天子之心。心中一星曰天王。其次舍曰大火。秋爲七月流火之候。而東方宿屬木。金令克木。故祀之。憇乃心宿之聚象也。姑存其說。又按古太字。亦作森。從三太。可以爲憇。卽心字之證。

鞞斂。一作鞞斂。鞞斂。○漢律曆志。秋鞞也。物鞞斂乃成。合溪引作鞞。卽鞞字。將由切。禮記。鄉飲酒。秋之爲言愁也。注讀曰鞞。說文東也。增韻。斂也。升菴引宋人秋日書啓。金鞞秩序。王宇敷涼。吾嘗咲升菴愛此等。前人用金商白商。既可杜撰金鞞。則亦可。以白鞞素鞞矣。或者讓前人杜撰而我用之乎。

鬻發。一作畢發。澤浹。栗烈。一作颯。颯。栗冽。○考異。一之日鬻發。說文作畢發。詩。攷作澤浹。二之日栗烈。說文作颯。颯。董氏作栗。冽。智按說文未引詩。但颯讀若栗。以此知之。轉注畧謂栗亦有。冽音。

時雨曰澍。霖雨卽淫雨。小春月內三雨曰藥雨。○繁露曰。雨幸大澍。易林曰。沾洽時澍。陸機要覽。夏澍名錦雨。說文。霽。久雨也。胡男切。霽。雲。小雨也。南陽謂霖。霖。霖。鋸。箴切。陳士元韻注。古月令。霖。雨。蚤。降。卽淫雨。霽。雨。霖也。今人曰。入霽。亦曰。入液。太玄經。溟沐。卽霽。霖。歲時記。小春月內三雨。則百蟲飲而藏。蟄。呼爲藥。

雨寔義則液雨也。江隣幾雜志同州民謂沾足爲爛雨。梁益記稱大漏天。小漏天。皆謂霖淫也。杜詩鼓角漏天東。升菴言蜀九月曰汎月。

青旛土牛。著于漢志。其理則宋人論之矣。○漢禮儀志。立春日令吏服青禭。立青旛。施土牛。耕人于門外。陳氏曰。土勝水。牛善耕。勝水故可勝寒氣。善耕故可以示農耕之早晚。後世土牛法以歲十幹色爲首。甲乙青丙丁赤之類也。十二支色爲身。寅卯青巳午赤之類也。納音色爲腹。以立春日幹色爲角耳尾。支色爲脛。納音色爲蹄。宋景祐元年。以土牛經四篇頌天下。丁度爲序。

臘臘謂秋臘冬臘也。○祈穀食新曰臘。類奇云。臘臘皆獵取禽獸以祭之名。臘以立秋。臘以十二月。韓非子曰。山居而谷汲者。臘臘而相遺以水。後志。驅臘以八月。一作驅劉。

蜡臘在歲終。報神而祭祖也。○伊耆始蜡。蜡索也。陳祥道曰。蜡所以報本反始。息老送終也。王玄冕而有司皮弁素服。葛帶榛杙。牲醴醢辜。樂六莖。豳頌土鼓。舞兵舞帔舞。夏曰嘉平。殷曰清祀。周曰大蜡。秦始謂之臘。魏紀曰。王者各以其行盛日爲祖。衰日爲臘。漢火德用午。祖戊臘。王肅曰。魏未社丑臘。今謂臘祭祖。先一事。玉燭寶典曰。蜡者報百神。臘者祭先祖。同日而異祭也。前朝四孟享。庶戶竈雷門。并分五時。又于歲暮享。命官兼祭。

五祀蓋本月令臘享五祀也。蜡祭缺焉。而各俗尚儻臘明。言臘明日也。○天文志魏鮮集臘明。正月旦。決八風。上文言候歲始或冬至日。產氣始萌。臘明日。人衆卒歲。壹食飲食。發陽氣。言臘之明日也。

重三猶重九也。○張說大集以三月三日爲重三。九日之節。以九九爲長久也。修禊謂之戒浴。司巫註疏。一月有三已。據上旬之已而爲祓除之事。見今三月三日。水上戒浴。東晉舉羽觴隨波是也。

寒食有三說。漢有龍忌。唐猶鈔火。則因司烜狗火之故事也。○荆楚歲時記云。冬至百五日曰寒食。連昌宮詞初過寒食一首。

六。特勅宮中許然燭。後遂以三月三當之。謂之冷節。桓談新論。太原郡民以隆冬禁烟五日。周舉傳以介子推之故。太原有龍忌之禁。一月寒食。舉以盛冬去火。損殘民命。乃作書置厝而俗改。則此節在仲冬。淮南龍忌注。中國謂鬼神日忌。北塞南越謂之避龍。初學記載琴操注。介子推以五月五日焚厄。晉文禁民間不得舉火。一作子綏。則此說有三。按惟晉乘及新序。言子推焚死事。殆不足信。晉乘傳會劉向耳。孟奇以左傳火記爲信。焚火之說。則始于司烜氏。仲春以木鐸狗火。禁于國中。注云爲季春將出火也。今寒食適當其時。後人緣飾。遂爲別說。寔以息舊火。出新火。後世遂沿之。劉向亦多集戰國雜家之說。如申生雉

通雅 卷之十二  
經而說苑以爲伏劔之類是也。魏武令不許絕火。輦下記言唐寒食鈔火。虎臣泰之皆言鈔火。控人家火。其罰甚嚴。清明尚食乃鑽火。洪洲曰。介子推姓王名光。

清明出遊曰粹脚。○宋清明禁衛作樂四出曰粹脚。

粹音

四月有開煮。○東京記宋時點檢所。以四月開煮。作臺閣妓樂戲。大脯也。

上巳五日皆躡柳。○文昌雜錄曰五日走馬。謂之躡柳。焦氏類林作籍音札。元美作躡柳。演繁露曰壬辰三月三。閱李顯忠軍嘗折柳插毬場。走馬射斷之。曰躡柳。音藉。呼若乍。其矢鏃最闊。取其斷也。其躡林之故事乎。

冬節有關撲。○夢華錄京師重冬節。更新衣。享先祖。官放關撲。一如羊節。池苑內亦縱人關撲。有以一笏撲三十笏者。以上數名。皆踵五代時人雜習。大半譯語。猶之寄庫陶里棒也。

下元有寄庫。午日有討賽。咿呢。工已有陶里棒。○通考曰十月十五日一時進塚。國主與押番臣僚。望木葉山奠酒。拜番字書狀。同焚曰寄庫。木葉山在薊州馬蘭外諸山。明初三衛地也。遼史燕節。午日曰討賽。咿呢。上巳日射雉爲樂。曰陶里棒。陳無功引作陶里化。六月十八宴國舅族。曰忸里討。郎瑛曰金元正月十六日放偷。猶今之走街也。

除日焚柴曰粃盆。○月令通考吳中風俗。除日送舊神。焚松柴。

謂粃盆。或曰以松栢桃杏燕火曰生盆。孫恂曰粃粉滓也。韻會曰粥凝歲時雜記。除夕作黃燭。以麻粃濃油如庭燎。律有元日油粃之義。今粃盆也。或作粃音莘。青藤曰俗謂之喪盆。或燒冬青樹。或林舊事南郊用之。又元夕有黃燭粃盆。

以亥日為市曰亥市。○青箱雜記蜀有亥市。亥音皆。言如痰癘。間日一發也。諱痰故曰亥市。徐筠水志曰。荆吳俗取寅申巳亥日集于市。又分寧縣本常州亥市。智按吳曾曰。豫章古漁父詩云。魚收亥日。妻到市。醉臥水痕船。信風張藉江南曲云。江村亥日長為市。落帆度橋來。浦裏後見李淳風易鏡占。漁獵勝負篇云。取魚卦宜二水。又云魚宜見水。忌土。蓋亥子屬水。乃知魚收

亥日所自。

天文 農時

勞田及時摩勞也。○歐陽公通進上書云。久廢之地。其利數倍于勞田。本六韜勞地之勞。諸刻作榮田。適姚叔祥得臨川曾得之較本。益知為勞田。叔祥因著歐文考異。又齊民要術云。春耕尋于勞。古曰耨。今曰勞。說文曰耨。摩田器。今人亦名勞。曰摩。鄙語曰耕曰摩。勞也。秋耕待白背勞。秋風若不尋勞。地必虛燥。諺曰耕而不勞。不如作暴。蓋天澤難遇。喜天時故也。凡秋耕欲深。春夏欲淺。犁欲廉。勞欲再。再勞地熟。旱後漢書劉般傳。區種法。增耕法。言

上農區田。區土壅禾根也。御覽汜勝之奏曰。湯有旱災。伊尹為區田。智按區近漚聲。

藉芳。藉艸也。○芳乃仍字。時征切。張華博物志趙襄子狩于中山。藉芳燔林。唐裴延齡妄言長安得陂芳數百頃。芳乃舊艸未芟。而新艸生也。世說言新亭藉卉。亦藉艸意也。青藤路史曰燒田中艸木曰燠爐。汲冢周書曰如艸旣雉厥聚。其猶有綴芳。劉殺。櫛翳也。○齊民要術曰凡山澤開荒皆七月。芟人之艸。乾而焚之。林木大者劉殺之。葉死不扇。便任耕種。三歲後根莖枯朽。焚而耕之。中爲穀田。劉鳥莖切。此卽所謂蓄也。从蓄艸。詩其蓄其翳。一作櫛。荀子曰周公身如斲蓄。爾雅曰木立死曰櫛。借義與栽通。又爲災害之苗。

冒櫛土長也。○月令艸木萌動注。農書曰土長冒櫛。陳根可拔。耕者急發。國語土乃脈發。注亦引之。漢書藝文志農書有九家百一十四篇。鄭玄所引農書。先師以爲汜勝之書也。漢書注成帝時爲議郎。使教田三輔也。土長冒櫛者。謂置櫛以俟土。智按。櫛謂直立。則正可通解耳。急發卽撥也。一作堡。焦弱侯曰。耕起土塊曰堡。

樹嫁。木介也。○唐書寧王憲疾時寒甚。疑霜封樹。謂之樹介。春秋兩木冰曰木介。卽樹介也。言象介冑也。憲見而嘆曰。此俗謂樹嫁者也。諺曰。樹嫁達官怕。吾其死矣。今問奇集直注木介之介音駕。凡夫曰。嫁樹當爲轄樹。俗訛爲嫁。此弁不知木介耳。駟樹。接樹也。○月令廣義有駟樹法。崔寔月令。正月接樹。則古

有之矣。接則實大而甘美。俞宗本有種樹書。言接樹法甚詳。宿麥。言隔歲種也。夷下。謂麥後種禾豆也。○國史補言五月有麥信。月令孟夏麥秋至。白安石師曰。今山東呼麥熟為麥秋。雍氏注鄭司農云。今俗間謂麥下為夷下。言芟夷其麥。以其下種禾豆也。汜勝之曰。子欲富。黃金覆。為壅麥根也。夏至後七十日寒。地可種宿麥。說文曰。春麥為糞。此芮切。猶言穩也。

通雅卷之十二終

通雅卷之十三

桐山方以智密之輯著

同里姚文燮經三較訂

地輿 方域

陸文裕曰。予嘗欲取今之州縣。推而上之。以會於禹貢之命名。因以著古今離合遷改之實。為一書。宋浦江倪朴文卿嘗作輿地會元志四十卷。惜當時以布衣著書。力不能傳。其自叙有曰。今學者。急於利祿。專務時文。故不識者不肯目。而識者未暇覩也。悲夫。元符中。蜀人魏安禮撰地理指掌圖。臨江吳澥著宇內辨智。皆不得見。郭景純注山海經。寓寫意耳。酈道元注水經。身未得至南方也。嘗覽朱考亭沈存中吳虎臣范公稱王伯厚及楊升菴章本清馮嗣宗各有所辨。欲以朱思本畫方配里法。做謝莊之截木分合。就各地古事編圖。會括諸志。于修撰考。一時不及。姑鈔記所知。以俟崇禎癸未夏。方以智記。

河東河西。河南河北。河內河東。淮北淮西。江北江南。山東陝西。

章潢所采。宋人之論詳矣。○有兗州之河東。有并州之河東。黃

魯道三代以前。自宋衛州之黎陽縣。近折而北流。故北京及河

北東路諸州。在河之東。即古兗州之域。故周禮職方。河東曰兗

州。爰自周定王時。黃河舊道漸以煙塞。秦漢以還。河堤屢壞。乘

上游之勢。沒而東下。故兗州之域。隔在河北。而河東之名。乃移

在並州。戰國以來。子史中。乃謂河東之地。皆指宋朝河

東路而言之。即古並之域也。智按此。北京謂大名府。有雍州

之河西。有涼州之河西。黃河源自崑崙崑崙積石。北流餘二千里

里。而折而南流。故宋永興軍路。鄜坊丹延諸州。在河之西。而河

隍之間。鄜涼甘肅諸州。亦在河西。戰國之際。所稱西河地。即指

鄜房丹延之間而言。在雍州之域也。西漢以來。有中土之河南

有邊境之河南。有中國之河北。有邊方之河北。黃河大勢如覆

正在斗間。中原遼當如衡。故宋之京畿西路。在河之南。斯中土

之河南也。而綏銀勝夏諸州。亦在河南。即邊境之河南也。河北

東西路在河之北。斯中國之河北也。而陰山揜海之間。有秦長

城外地。亦在河北。即邊方之河北也。三代以前。河南之稱。止在

中土。秦漢而下。奪外國南牧之地。列為郡縣。亦名之曰河南。陳

隋以前。河北之稱。止在中國。李唐之初。塞外突厥之地。悉為郡

縣。亦名之曰河北。春秋傳中。所稱河南河北。有指一郡而言者。之

有指一州而言者。有指一道而言者。

如中土河南之地。今古一

一郡而言。即宋京西屬縣。兼鄭孟二周之境而已。姬周河南之

稱。則指一州而言。即宋東西二京。及京西南北路之地。李唐河

南之稱。則指一道而言。包古青徐兗豫四州之境。奄黃

河以南。皆是也。宋為東西南三京。及京畿四州之地。故周之

河內。異乎漢之河內。周禮職方。河內曰冀州。即宋河北東西路

地。漢之河內。乃右郡宋懷衛二州是已。漢之河東。異乎唐之河東。漢河東郡。即宋河中府。及慈隰晉絳

古之淮北。乃宋之淮南。宋宿亳二州。自開國以來。至於

有在京西。淮道自西而東時折而北流故淮北之地間名淮西如漢封劉交為楚王王淮西則宋京東西路之地也

唐裴度身督戰遂平淮江西一名也。有在江北。有在江南。江西道西則宋西北路之地也。而東時折而北流故江北之地間名江西而魏志武帝紀稱江西遂空則宋淮南東路之地也。晉紀稱石勒陷江西壁壘百餘則宋京西南路之地也。至五代史稱鍾傳據有江西乃今江南西路之地。

江南一地也。有稱江左。有稱江右。金陵居長江下流前朝有江南者皆都之據金陵而言則江西南居左西瀆之流皆自西而東天下之形勢亦然。

以中原而言則江南之山東一名也。有指河南而言者。有指河

北而言者。前史有山東之稱者皆據華而言之則其所謂在華至杜牧之罪言則所稱山東之地專指河北而言也。陝西亦一地也。虞夏曰雍州。商周曰

西土。春秋為秦國。戰國稱關中。楚漢之際謂之三秦。兩漢又名

山西。宋始為陝西路耳。書稱河亶甲居相。即今之相州也。春秋

衛侯燮滅邢。即今之邢州也。楚子入陳。齊師滅陳。皆今之陳州

也。齊師滅萊。即今之萊州也。楚子圍鄭。即今鄭州之新鄭縣也。

齊侯侵蔡。即今蔡州之上蔡縣也。若此類未易概舉。蓋履其地

不敢沒其名也。然而遷徙不常。考証或疎。至有已非其地。而空

存其名者。如春秋吳師入郢。近于今之郢州而非也。古郢城在

府界去郢州餘三百里。宋郢州即承天。秦師入滑。近於今之滑州而非也。古滑國

京偃師縣之鄉去滑州餘四百里。楚人滅舒。近於唐宋之舒州而非也。古舒國

州之舒城縣去安慶餘三百里。楚人滅黃。近於今之黃州而非也。古黃國今在

去黃州四百五十里。楚人伐徐。近於今之徐州而非也。古徐州今在泗州

去徐州垂五百里。傳稱允姓之戎居於瓜州。近於今之瓜州而非也。古瓜

臨淮縣之徐城鎮

瓜

瓜

州地在今汝州去

瓜州垂二百里。有西亳南亳北亳。而皆非今之亳州也。

西亳在今

偃師南亳在穀熟縣北亳在考城縣

有東虢西虢南虢。而皆非今之虢州也。

東虢在鄭

州榮陽縣西虢在鳳翔府虢縣南虢在南陵軍升陸縣

有東楚西楚南楚。而皆非宋之楚

州也。東楚今蘓州西楚今徐州南楚即今荊州府

古之酒泉在河南。而今之酒泉在

河西。左傳王與虢公酒泉之邑實在于河南。而西漢而下迄于今。有酒泉郡。漢屬河西。今在徽外。

古之丹陽

在荆南。而今之丹陽在江東。

古之豫章在江北。今之豫章在江南。而皆吳楚之境也。古之澶

淵在河南。今之澶淵在河北。而皆宋衛之郊也。

襄二十二年。諸侯會于澶淵。實宋

古都所謂澶淵聚者。即其地。正屬河以南。而趙宋之澶淵乃在河北。天雄。今大名府開州。

樂蟠始臧毛氏。新喻中廬。丹陽匡山。謝陽之譌。皆王楙之說也。

○慶州有樂蟠縣。本漢畧畔道地。後訛為樂番。鎮戎軍有筭頭

山。隗囂使王元猛塞雞頭道。即此也。後訛為訢屯山。涼州有姑

臧縣。河西舊事。謂舊塞外蓋藏城也。後訛為始臧。婺州長山縣。

本長仙縣。其地赤松子採藥之所。後訛為長山。北京館陶縣有

屯氏河。漢溝洫志謂河北沒於館陶。分為屯氏河。後訛為毛氏

河。臨江新喻縣。本新渝縣。蓋有渝水。故名。而唐天寶後相承作

新喻。隰州石樓縣。本漢吐軍縣。後魏置吐京縣。亦音語之訛也。

楚鬻熊始封丹陽。則在今歸州秭歸縣。後楚文王徙都江陵。府

枝江縣。亦曰丹陽。漢於宛陵置丹陽郡。隋于丹州置丹陽郡。唐

于京口置丹陽郡。其地不一。而西漢志。乃以曲阿之丹陽為楚

所封。誤矣。漢文帝封淮南王長子陽周侯。賜爲廬江王。應劭曰。廬子國。卽廬庸之地。按左傳廬戎自在宜城山中。劭誤以中廬之廬。爲廬江之廬矣。舜渙雷澤。正城陽之雷澤。而周處風土記。乃以吳之太湖大雷山。小雷山。爲舜渙之所。子胥之胥山。在嘉興東南。而張晏乃以太湖之承胥二山。爲子胥之山。李白少讀書于匡山。正綿州大小匡山。而寰海錄注。乃指江州匡廬山。爲白讀書之所。或白遊處焉耳。後漢樊丹封謝陽侯。正詩所謂申伯番番。旣入于謝之謝地也。而傳乃以爲射陽。按射陽在山陽西。卽高祖封項纏之地。非丹封地也。樊毅碑曰。謝陽之孫。此可驗也。

韓退之南陽在修或。非鄧州也。○南陽懷州修或縣。有南陽城。左傳曰。晉於是始啓南陽。卽此。智按韓退之。正修或人。今爲懷慶府修或縣。孟縣亦有韓愈別墅。俗呼韓莊。金石志載孟縣皇甫湜撰韓碑。世人以鄧州之南陽。爲退之之里。誤矣。其稱昌黎者。其先昌黎人也。愈封昌黎伯。今永平府昌黎縣。有韓祠。馬融曰。晉地自朝歌以北。至中山。爲東陽。朝歌以南。至軹。爲南陽。應劭曰。秦改名修或。臣瓚云。韓非書。秦昭越趙長平。而伐修或。時秦未兼天下。修或之名久矣。秦昭紀。魏入南陽。以和。張儀傳。魏絕南陽。白起傳。攻南陽。太行道絕之。輿地廣記。修或本商之甯邑。或王伐紂。勒兵于甯。更名修或。

蕭何南陽之鄠。在楚之光化。非沛之鄠也。○當時在南陽者。今在襄陽之光化縣。此蕭何封邑也。沛縣之鄠。本作鄠音嗟。今亦不在沛縣。在歸德府考城縣之鄉間。尚有鄠城橋。古今分畫境界。學者一時未考。宜其隨聲聽訛耳。余嘗論之曰。漢地理志載南陽鄠縣侯國。不言沛之鄠為侯國。非明驗乎。沛之鄠為鄠。誤于班固之碑。王莽之改。水經注之引也。班固泗水亭碑曰。文昌四友。漢有蕭何。序功第一。就封于鄠。合溪曰。孟堅必知封地。則南陽之鄠有嗟音。智直謂古時韻粗。班固亂叶耳。江統徂淮賊言何封于沛矣。水經注。渙水逕鄠縣故城南。襄十季公會諸侯及齊世子光於鄠。王莽之鄠治矣。朱謀埠曰。鄠字誤。三傳皆作

會于祖。古文祖通鄠。應邵曰。作嗟。漢地志沛郡鄠縣。注本作鄠。王莽曰。贊治。故遂以鄠為鄠。古人讀書已浮。何怪今人邪。又曰。沔水過鄠縣。謂之鄠頭。高帝五季封蕭何。薛瓚曰。今南鄉鄠頭。茂陵書曰。在南陽。王莽更名南廩。沔水又過筑陽東。師古曰。南陽蕭何封邑。音贊。本春秋陰國。唐為懷州陰城縣。有何廟。何薨。高后封何夫人。同為鄠侯。小子延為筑陽侯。文帝罷同封。封延元時為光化軍。今則為縣。屬襄陽府。鄠字本義。則百家為鄠。音贊。寒韻存此。則聲轉。而廣韻收之。歌韻有鄠。註曰。封邑則誤矣。升菴弱侯。定以沛鄠為蕭何封邑。而云師古無據者。大謬也。一統志載永城縣。有鄠侯城。為何食邑。以訛傳訛。亦猶承天府之

陽春亭。以宋玉生此郢州耳。總之漢志分侯國。延爲筑陽侯。二證最確。而班固之韵。乃古通轉之口齒。猶攢之从贊。難之讀娜也。恕先云江淮以韓爲何。京山云閒介之轉爲个。此可推矣。詩六月篇之鎬。非豐鎬之鎬也。○靈夏等地。卽六月所謂侵鎬及方也。有什賁故城。漢置朔方五原郡。孔氏曰。劉向疏云吉甫之歸。周厚賜之。其詩曰來歸自鎬。鎬去京師千里。王肅以爲鎬京。王基駁之。朱氏曰。劉向以爲千里之鎬。疑卽朔方也。

昆明池。正鎬京地也。○潘岳關中記曰。昆明池曰靈池。堯治水訖。停船此地。蓋堯已有池。漢因而深廣之。智按此說大謬。昆明滇池名。漢成開以名之。曰習水戰。已爲鑿說。况堯停舟乎。徐廣曰。豐鎬相去二十五里。通典曰。京兆長安縣西北。靈臺鄉豐水上是也。鎬。今昆明池鎬陂是也。昆明鑿而鎬京爲池。隋城大而漢都爲苑。稱引古昔者。豈可不一覈耶。

陶令八十日之彭澤。非今小孤前之彭澤也。○古彭澤縣。在今湖口縣東三十里。漢置。晉隋因之。凡左蠡而北。大孤而東。皆其地也。唐武德五年。改彭澤爲浚州。遷于浚山下。至今湖口九都號五柳鄉。八都號彭澤鄉。有三學寺祀淵明。有洗墨池。玩月臺。吳艸廬爲記。南唐始析五柳彭澤止鄉之地。爲湖口縣。見九江志。若以小孤江之彭澤縣。爲淵明解綬地。則非矣。

大別在漢陽。非安豐也。○孔氏言大別在壽州霍山縣。宋之六

安也。史記索隱云在安豐縣。此誤矣。其實在漢陽府。亦曰龜山。魯山。左傳楚拒吳。濟漢而陳。自小別至於大別。小別在漢川。今漢口。世傳大別龜山。黃鶴樓磯蛇山也。智又考水經云。浚水出廬江雩婁縣南。大別山。注云俗名檀山峴。卽安豐西南。蓋大別有同名。而注尚書者誤。

塗山有四。古會稽。竝轄淮南。塗山實在壽春。非山陰也。淮水過當塗縣。非今太平之當塗也。○塗山在壽春東北。濠州鍾離縣西九十五里。禹會諸侯。周穆亦會。智又按晉常璩巴志。言禹娶塗山。今江州塗山是也。江州縣郡治塗山。有禹王廟及塗后祠。北水有銘曰。張太守於此仙去。有粉水。世謂江州墮林粉也。水

經注引哀十季。禹會諸侯于塗山。杜預曰。塗山在壽春東北。史記索隱又以塗山在今九江。余按國語仲尼曰。禹致群臣于會稽。防風後至。殺之。其骨專車。劉向王肅竝有此說。則酈君似以塗山在會稽。王伯厚確以爲在壽春。或者禹所至山。別有會稽之名乎。地理志當塗。侯國也。淮水過之。禹娶塗山。卽其地。呂覽曰。江淮以辛壬癸甲爲嫁娶日。此足證也。太平之當塗。乃僑大。名耳。杜預所謂塗山在壽春縣東。說者云。今濠州是也。吳越春秋。亦以會稽有塗山。又兼載塗山之歌。應邵云。塗山在永興北。或云蕭山縣是。已疑矣。蘇鄂演義云。塗山有四。一會稽。二渝州。三濠州。四當塗。皆有禹跡。蓋傳會耳。章本清謂柳子厚塗山銘。

蘇子由塗山詩。指在濠州。皆非是。此疑未沒耳。王楙引翠微考異。以宣之當塗。正禹之娶所。則楙猶無識矣。當是古之會稽。所轄者大。如戰國之楚。則徐州南京皆是也。句踐滅吳。則吳地皆越。故通稱會稽。漢分爲吳郡會稽郡。故又合言吳會。或曰濠州之塗山甚小。豈能容諸侯。不知古言其會地。豈直在山上耶。壽春有荆山。因遷郢而名也。○楚自昭王之後。又歷十一傳。至考烈王。始徙都壽春。韓非子所載。下和獻玉事。乃在厲或文三王之際。昭王上接成王。已越十世。當三王時。鍾離何嘗屬楚。而強謂下和至此山邪。新序又謂抱玉而汰。在共王時。雜記又謂在懷王。及其子平王時。平王乃昭王父。下距懷王九世。其王上至成王六世。差矣。陳寔尚以懷遠荆山。爲下和獲璧處。更誤。首陽有三。○一蒲坂。二隴西。三洛陽。王勉夫以夷齊在洛陽。論語註調在蒲坂。非也。夷齊令支人。冢在肥如。漢志遼西令支有孤竹城。水經注雷首名獨頭山。夷齊所隱。都穆謂中條爲雷首。下有水曰雷澤。

歷山有五。○一河中府。二齊州歷縣。三冀州。四濮州雷澤縣。五紹興。曾南豐齊州堂記云。舜耕歷山。洹雷澤。陶河濱。作什器於壽丘。就時於負夏。鄭康成釋歷山在河東。雷澤在濟陰。負夏在衛地。皇甫謐釋壽丘在魯東河之北。河濱在濟陰。定陶西南陶丘亭。耕稼陶漁。皆舜之初事。在一時。地宜相近。孟子又謂舜東

夷之人。呂覽舜葬于紀市。按鳴條在今贛榆縣。有蒼梧山。近莒之紀也。歷山在齊者是。圖記謂南山為歷山。以灤水出歷縣也。世因河東雷首山一號歷山。馮水所出。舜娶堯女所居。謂歷山為雷首之別號附會也。陸魯望云。世謂舜田歷山。象耕鳥耘。聖德感之。非也。蓋耕深似象步。耘疾如鳥啄。李石載周處記。舜葬上虞始寧剡縣。多柞。吳會以柞為櫪。故曰櫪山。此尤附會。

趙之扞關。非楚之扞關也。○趙扞關在陸道。楚扞關在水道。楚肅王四季為扞關以拒蜀。

李牧所取方城。非汝葉之方城也。○左傳之方城。在汝州葉縣西南。唐勒論作萬城。方之訛邪。漢廣陽郡方城縣。後漢屬涿郡。

一曰蕪方城縣。唐貞觀時自章信口城移固安縣治此。李牧伐蕪取方城。王肅曰。今涿郡方城縣。有韓侯城。又上庸堵水東逕方城。此亭名也。上庸今竹山縣。有方城山。堵水注于漢曰堵口。下有澇灘。

下蔡為硤石城。非獨陝州之硤石也。○通典梁大同中于硤石山築城。拒東魏。天監十五年。魏崔亮元攻硤石。卽今潁州下蔡也。水經曰。淮水逕山硤。謂之硤石。周世家克壽州。徙州治此。魏諸葛誕舉事。王昶據硤石以通誕。卽此城。又晉胡彬援壽春。既陷。還保硤石。亦此城也。

鍾離非今中都城。○郡縣志濠州阻淮帶山。晉淮南郡鍾離縣。

安帝大鍾離郡。宋兼置徐州爲重鎮。蕭惠休蕭坦之昌義之康絢所守是也。隋唐爲濠州。通典鍾離縣東四里有古鍾離城。卽魯昭四季楚城鍾離。又縣東一里有小東城。秦始皇築之以鎮濠州者。終犂卽鍾離。史伍子胥傳。吳拔楚鍾離。居巢。注古鍾離子之國。世本作終犂。

石城非石頭城也。○羊祜傳吳石城守。去襄陽七百餘里。祜以詭計令吳罷守。祜以孟獻營虎牢而鄭人懼。晏弱城東陽而萊子服。乃進據險要。開建五城。收膏腴之地。石城以西盡爲晉有。郡縣志郢州長壽縣城。本古之石城。背山臨淮水。吳於此置牙門戍城。羊祜亦置戍焉。郢州西北至襄陽三百餘里。水經注沔

水。石城西城。羊祜所大。元康元年分江夏西部置竟陵郡。此卽今之承天也。郢本爲荊州。承天爲郢州。則自北周改名。而唐因之耳。庾亮欲移鎮石城。蔡謨曰。沔水之險不及大江。非所算之勝。亮不果移。樂府有石城莫愁。卽有莫愁村。弱侯爭以爲白下石頭城女子。誤矣。河中之水歌。是又一莫愁也。且石城非一。魏牽招傳孔明在祁山。遣使結連軻比能。比能至故北地。石城與相首尾。又高州府贛州府。皆有石城。敘州府金華府永康縣皆有石城山。山名石城石門者。不可勝數。孫權初都京。京口也。十七季權作石頭城臨江。歐陽公于役志。言次江口。夜大風。次清涼。則今之洲。乃數百季間事也。

石頭有四。○韓退之有次石頭驛寄江西王中丞閣老詩。故今洪州石頭驛皆以爲證。大觀三季汪藻彥章爲江西提學作石頭驛記。吳曾言江西有兩石頭。石頭遷住南嶽地。名石頭。與白下石頭爲四。

姑蘇。或作姑胥。姑餘。○卮言曰。王順伯高德基謂姑蘇乃姑胥也。凡山與臺皆以伍胥得名。吳人鄉語以鬚爲蘇。故誤曰姑蘇。後遂爲蘇州。按續圖經紀云。姑蘇臺一名姑餘。史記正義云。在吳縣西南三十里。山水記闔閭作。又云。夫差作越絕書云。闔閭造九曲路以遊姑胥之臺。然則姑蘇之或謂姑胥。或謂姑餘。不可知。而始于闔閭。成于夫差。豈得云因伍胥而誤也。姑蘇自是故名。第古以名臺。今名驛。而正德中纂志書者。冠以姑蘇。卻大可笑。

番麗。梅里也。○太伯居梅里。今之橫山。

潯墅。本爲虎嘍。○因唐諱虎。錢王諱鏐。而改虎丘劍池四字。世傳顏魯公書。乃僞也。魯公無不諱虎者。唐人修晉書。已稱或丘。或林神或門矣。

皋橋。皋奉卿居也。蛇門。梅福所隱也。竿竿。支硎也。○俱見吳地志。漢議卽皋伯通。字奉卿。居皋橋。梅福隱蛇門。或稱夷門。支硎山。支道林所居。白馬升雲而去。今名竿竿山。越中新昌縣。天姥對峙沃洲山。亦云支遁居之。

語兒亭。當為禦兒。○雋里地縣南有語兒亭。言蠡與西施通。生一子。此附會最可笑者。而陳晦伯胡元瑞乃引以駁升菴西施沈死之說。豈不更可笑邪。按吳語曰。吾用此禦兒臨之。章昭注。禦兒。越北鄙。在今嘉興。言吳邊兵若至。吾以禦兒之民臨敵之。元瑞未讀此乎。

雅宜山。舊名娜如。○元美曰。娜如山。元虞伯生改為雅宜。凡夫曰。南朝張廷尉女曰雅兒。死葬處。訛為雅宜。吳士王寵字履吉。別字雅宜。今其山又改為笈笈。

干言二地。而今為一山。○詩干與言二地。曹氏以為發干縣。隋志。邗州內丘縣有干言山。今北直順德府唐山縣西北四里有干言山。

汝陽之天中山。天之中也。○輿地以河南為中。而汝寧又居河南之中。故汝陽縣北三里。有山曰天中。云測影植圭。莫準于此。然則取黍于上黨亦偏矣。或曰。或言此地夏至。日中無影。非也。此地距北陸黃道十度。日晷恒在南。廣州則無影耳。

醋溝在山氏城北。○岑參詩。雁塞通鹽澤。龍堆接醋溝。方回云。醋溝不知何地。升菴按。闕駟十三州志。山氏城北為高踰淵。又東北醋溝水出焉。水在中牟。郭緣生述征記。醬魁城至醋溝十里。鹽澤見穆天子傳。即鹽池。

盧宰。即盧溝。○吳起云。夏桀之國。盧宰在其北。升菴曰。即盧溝。

也。罕古皋字。則今桑乾河矣。

春秋之江黃。非今黃州九江也。○江國在汝南安陽縣。安陽故城在蔡州新息縣西。黃國在汝南弋陽縣。今光州定城縣。水經注黃水入淮曰黃口。有黃城。

公瑾破曹在烏林。非坡公之赤壁也。○韓子蒼知黃州。訪栖鵲之危巢。不復存矣。詢赤壁乃赤嶼磯也。顧起元曰赤壁有五。漢陽漢川黃州江夏。惟嘉魚西南八十里。江濱烏林南岸赤壁是也。杜牧有寄岳州李使君詩云。烏林芳草遠。赤壁健帆開。此則是矣。或曰謝疊山猶于嘉魚南岸石崖間見赤壁二字。

出弗其山之汶。非水經壽張入濟之汶也。蜀之汶則岷矣。又有遼東汶城。○淮南子曰汶出弗其。高誘云弗其山名。在朱虛縣東。酈氏曰是乃東汶。非水經所謂入濟者也。汶出太山萊蕪縣原山。過奉高縣博縣無鹽縣。自桃鄉四分曰四汶。左二水雙流。至無鹽卽鄉平陸故城。合爲茂都澱。次一汶。至壽張故城爲渚。右一汶逕舊宿國與洽鄉。注長直溝。然今不可考。惟汶上縣水至明。若秦宓所云汶山。江出其腹。卽岷也。又有遼東之汶城。盛輔之曰。卽孤竹國也。遼東音文。山東音問。四川音民。貉逾汶則死。岷山也。今一統志列爲三。曰塹汶。徐汶。青汶。本清曰入濟之汶。見禹貢。論語之汶上。書傳謂之北汶。卽今大清河入濰之汶。見漢書。入沂之汶。見水經。齊有三汶。清河爲大。述征記泰山郡

通雅 卷之十三 泗水山莊  
水皆名汝。有北汝、羸汝、柴汝、牟汝，皆源別流同。又在三汝之外。升菴云古作南嶠北嶠。或曰王又新汝志言汝過于南旺戴壩甚詳。

留侯封邑在沛，非陳留也。○張良封留侯，留在徐州沛縣。今留城鎮有留侯廟存焉。或以陳留爲子房封處，廟貌巍然，誤也。王洙曰：宋或北征，過陳留，下教修復，其失已久矣。按傳亮爲劉裕修張良廟，教云塗次舊沛，佇駕留城。本謂沛縣之留城。一統志已載之，王洙語誤。

沛之蘄，非江夏之蘄也。○苞水入渙，逕蘄縣。蘄縣漢屬沛郡。汝水、澶水、蘄水，皆注于淮。陳涉起兵於蘄大澤，卽此也。江夏有蘄春縣，有蘄水出五蠻中，晉改蘄陽縣，卽今之蘄州也。

漢中有沔陽城，非今之沔陽州也。○水經沔水逕沔陽故城南，注蕭何所築，昭烈卽漢王位於此城。南對定軍山，有孔明廟。習隆表召伯甘棠，范蠡金像，而大者也。今沔陽州則屬承天府。

父城非城父。酈道元誤引爲一。○漢地理志潁川有父城縣，而沛郡有城父縣。水經注言汝水逕邳縣故城，合潁水，潁出晉陽將孤山，東入父城縣，與柏水會。逕賈復城，此正潁川之父城，乃

忽引楚平王大城城父，居太子建。杜預曰：襄城之城父也。此誤矣。一統志汝州寶豐縣有父城古蹟，云卽左傳楚之城父城。郢鄢卽荆襄。○鄢，襄陽府。郢，荊州府也。正義曰：鄢故城襄州率

道縣南九里。郢城在荊州江陵縣東北六里。楚又自丹陽徙郢。後九世平王城郢。後十世秦拔郢。徙陳。吳曾曰。郢江陵之紀。南城是也。春秋有鄢水。左傳楚屈瑕伐羅及鄢。亂次以濟是也。其後曰夷水。謂之漢水。又曰蠻水。道元所云避桓溫名改者也。白起壅灌。拔鄢爲縣。漢惠改曰宜城。春秋有數鄢。其曰鄢者。戰國策作鄢。楚昭陽伐魏取鄢。漢屬潁川。唐鄢城縣屬蔡州。宋屬潁昌府。此時屬開封府。許州卽漢之潁川也。鄭伯克段于鄢。周語注。妘姓國。爲鄭或公所滅。漢陳留有鄢縣。應邵曰。克段。此地也。升菴引趙匡曰。鄢當作鄢。在緱氏縣南。爲近。後漢鄢屬梁國。又晉敗楚鄢陵。漢潁川有鄢陵縣。注云。六國曰安陵。宋東京鄢陵縣也。此時屬開封之鄢陵。鄭邑。戰國安陵也。郡縣志故鄢在宋州寧陵縣南五十二里。鄭伯克段於此。今寧陵屬歸德府。莒亦有鄢陵。公孫敖逆婦于莒郊。鄢陵登城見之美。其曰鄢亦不一。楚徙壽春。亦命曰鄢。其爲鄢州者。竟陵。古卽國。郡縣志云。在今鄢州長壽界。竟陵大城是也。今爲承天府。明初安陸州也。三國魏曰鄢州。晉分江夏西部置竟陵郡。後周以其地置鄢復二州。或昌府。劉宋時亦曰鄢州。宋孝或分荆湘江三州之八郡爲鄢州。鎮夏口。此或昌府也。隋平陳改爲鄂州。今鄢都白雪。概多誤用。而承天古蹟。且有白雪樓。陽春亭。其誤已久。沈存中皆以安陸爲鄢。他可知矣。哀郢曰。顧龍門而不見。孰兩東門之可蕪。注

云楚都南門三門。一名龍門。一名修門。兩東門。郢都東關有二門也。今分荆鄆音焉。鄆城音偃。又有三荆。通典獨孤信略定北荆州。即今河南南府伊陽縣。東荆州。後改曰淮。州今唐州。西荆州。今鄧州。北史獨孤信。都督三荆州是也。經外雜鈔曰。東晉王忱督荆州。始于江陵營城府。曾南豐言襄州。韓公井。即昭王井。有楚故城。謂之故牆。即郢也。

西鄂鄧州。東鄂武昌。○傳曰。翼九宗五正。逆晉侯於隨。內諸鄂。音鄂晉人謂之鄂侯。杜氏曰。晉別邑。紂時鄂侯。或此地乎。輿地記曰。今鄂州武昌。楚之東鄂也。漢為江夏鄂縣。孫權改為武昌。鄧州南陽。漢之西鄂。張衡西鄂人。今南陽有平子墓。鄂君之歌。則東鄂也。

邾鄒一也。○邾陟輪切鄒側鳩切聲轉。春秋邾莒用夷。故邾謂之邾。婁婁亦兩音。力俱切者。合邾婁之音為邾。力溝切者。合邾婁之音為鄒也。輿地廣記曰。淄州鄒平縣。古鄒國也。兗州鄒縣。邾文公所遷。本繹邑也。楚宣王滅邾。遷之江夏。故江夏有邾城。今為黃州黃岡縣。

扈鄆一也。○書曰。啓與有扈。戰于甘。說文曰。鄆縣有扈谷。甘亭。輿地記。今京兆鄆縣。有甘水出南山甘谷。此入渭。今鄆縣屬西安府。秦曰甘亭。魯莊會齊侯于扈。征南曰鄭地。在滎陽卷縣西北。元為鄭州原武縣。近朝原武縣不隸鄭州。而屬開封。漢之卷

北。元為鄭州原武縣。近朝原武縣不隸鄭州。而屬開封。漢之卷

平縣屬河南郡。又有扈瀆。在今上海縣北十里。本海鹽之東。堰  
晉袁山松築壘以禦孫恩者。西安府洛南縣有玄扈山。古讀扈  
如虎。

鞏之鄆。非斟鄩也。○元凱曰北海平壽縣有鄆。音亭。今在青州

濰縣。卽斟鄩也。周于朝之亂。二師圍郊。鄆瀆。杜注河南鞏縣。西

南有地名鄆中。水經注云洛逕偃師縣南鄆。鄆水注之。有上鄆

下鄆。又有鄆地。周大夫鄆肸之舊邑。九江爲尋陽。今作潯。又廣

西有潯州府。音皆同。或曰與鄆通。非也。嘗按古輿圖志考曰地

志青州壽光縣古斟灌城。北海縣斟鄩城。大康營陽夏相徙商

丘相近而依之。非居也。

鄆。新息也。○魯會吳伐齊師于鄆。音息。說文姬姓之國。在淮北。今

汝南新鄆。近時汝寧府有息縣。是新息。正當單作息。鄆乃齊地

也。後漢書馬文淵封息侯。亦單作息。

白馬之口。定胥之口。○韓非初見秦王曰沒白馬之口。以沃魏

氏。張儀說趙曰守白馬之津。後漢注屬東郡。今滑州白馬縣有

白馬山。在縣東北。水經注黎陽東坪有故城。竹書紀年梁取枳

道與鄭鹿。鄭鹿卽是城也。故亦曰鹿鳴津。又曰白馬。袁紹攻劉

延于白馬。卽此處。又名黎陽津。黎陽今濬州也。慕容德從滑臺

至黎陽津。冰合夜濟。改爲天橋津。周世宗北征。命學士爲文祭

白馬祠。訪于尹拙。拙歷數郡國祠白馬者。凡十餘處。杜牧曰黎

陽距白馬津三十里。五代屬澶州。今之開州也。澹滑皆爲大名縣。定胥之口。正義曰。淇水出衛州清淇縣。東至黎陽入河。魏志云。成帝于清淇口東。因宿胥故瀆。開白溝道。清淇二水入焉。水經注。宛水東南入淇水。右合宿胥故瀆。瀆受河于頓丘縣。遮害亭東。黎山西北。大石堰。遏水東北注。魏成嘉其功。故蘇代曰。沒宿胥之口。卽指是瀆也。通典。曹公于水口。下大枋木成堰。遏淇水入白溝。時人號枋頭。溝洫志。黎陽遮害亭西十八里。至淇水口。晉桓溫敗于枋頭。卽此。蒲洪歸枋頭。遣使來降。謝尚使戴施據枋頭。後魏移汲郡。治此頓丘。今亦在開州地。又延津。逕滑臺城。今開封府延津縣。卽酸棗。曹公遣于禁守延津。曹公又北救劉延。至延津。卽其地。一名靈昌津。卽左傳之廩延也。

黃卷坂。桃林塞。卽新安潼關也。潼衝也。○潼關在華州華陰東北三十九里。古桃林塞也。晉使詹嘉處瑕以守桃林之塞。注云。華陰東潼關。關西一里有潼水。秦函谷關在漢弘農縣。卽陝州靈寶縣。西南十一里。漢元鼎三年。楊僕爲樓船將軍。本宜陽人。恥居關外。請以家僮七百人徙關于新安。帝從之。初平二年。董卓脅帝出函谷關。自此以前。其關竝在新安。至建安十六年。曹公破馬超於潼關。是中開徙於今所。河之北岸。則風陵津。北至蒲關六十餘里。黃卷坂在虢州閿鄉縣西北。卽潼關路。水經注。河水自潼關東北流。水側長坂曰黃卷。通謂之函谷關。今攷古

函谷關。在陝州靈寶縣西南。潼關在華州華陰縣。自潼關至函谷。歷陵華二州之地。俱謂之桃林塞。項羽坑秦卒在新安。世民入關先破新安。今仍爲河南之屬縣名。潼音昌容切。謂河水自龍門南流衝激華山。故名衝關。後訛爲潼關。智按潼卽有衝之音義。非衝訛爲潼也。

尋陽原在江北。柴桑在江南。晉曰江州。溫嶠之所移也。○尋陽漢屬廬江。通典舊縣在江北蘄州界。晉溫嶠移於江州。柴桑漢屬豫章。晉志有湓口關。今爲九江府

廬江郡。以大江望廬山名。敷淺原廬山也。○禹貢表山。豈彭蠡高山如廬而不表之邪。古華作夷。如華不注山。以此稱之。唐韻淺流疾兒。猶漸漸之類。勿泥深淺也。原古源字。廬山瀑竄多。其爲敷淺原乎。廬江今爲一縣。秦漢以名郡。必以廬山爲望。明矣。水經廬江出三天子都。謂彭蠡出饒。而源于徽之大鄣率山也。率山名三天子鄣。鄣一作都。或曰敷淺原在德安。朱子辨之。一統志崇陽縣西百一十里雲谿山。是敷淺原。亦附說也。廬山在。山海經爲柴桑之山。張孟奇曰廬山舊名柴桑山。因匡君廬而稱廬山。郭璞註曰柴桑山與廬山相連。據後世淵明柴桑里山。爲廬山之麓而言也。

東興卽東關也。○巢湖在巢縣西。周廻五百里。南出于東關口。北至合肥界。東南有石渠。是名關西。相傳云夏禹所鑿。嘉平四

季諸葛恪於東關作大堤。遏巢湖。巢一名焦。後漢記作灤。東關今在和州含山縣西九十里。含山東晉龍亢地。

慎陽當作滇陽。○荀淑至慎陽見袁閔。師古曰慎字本作滇。音真。後誤爲慎耳。今獨有貞丘德陽縣。此時有真陽縣。屬汝寧府。固當日之汝南也。闕駟曰永平王失印。剟刻。誤以水爲心。今猶有真丘。

沙澧。洮強之漢也。○吐谷渾復興。沙澧皆附之。洮水出強臺山東北。逕吐谷澤中。自洮強南北三百里中。莫草皆是龍鬚。而無樵柴。謂之強川。與澧通。渠良切。

僂海。先零之水也。○楊軌降于烏孤。西犇僂海。漢書有西匡曰先零。音憐。金城郡令居亦力延切。今零僂實相通。遐荒之地。名記者隨音而記之耳。

士雅山。因祖逖而名也。○梁或遣馬仙琕救義陽。元英結壘上雅山。胡三省注上雅當作士雅。水經注義陽之東有大木山。卽祖逖將眾避難所居也。智又見魏書中山王英傳。于士雅山結壘。與曹景宗相抗。溫公誤作上。宋人小說以祖士雅爲士稚。陳眉公以爲確然。今據此。仍是雅矣。

沮中。卽祖中也。○沮亦音祖。吳赤烏四季諸葛瑾取祖中。朱然傳征祖中。祖中在上黃界。去襄陽一百五十里。魏夷王梅敷兄弟屯此。沔南之膏腴。郡縣志祖山在襄州南漳縣。漢臨沮界。東

北一百八里。房陵東山。沮水所出。

八陣圖凡四。○郡縣志在夔州奉節縣西七里。薛氏曰圖之可見者三。一在沔陽之高平舊壘。卽漢中府西縣東南十里。一在新都之八陣鄉。卽成都府新都縣北十九里。李膺益州記曰稚子關北五里。其一在魚復永安宮。南江灘水上。魚復卽今奉節縣。現今府學是也。卽白帝城。白帝因公孫述時白龍見。城與赤甲山接。東臨瀼溪。山上尚有魚復城古蹟。成都圖經云。在夔者六十有四。方陣法也。在彌牟者一百二十有八。當頭陣法也。新都縣有彌牟鎮。在棋盤市者二百五十有六。下營法也。南市一名棋盤市。與元志西縣亦有之。則八陣圖凡四。薛氏曰漢都肄已有孫吳六十四陳。竇憲勒八陳擊北軍。晉馬隆又用八陣復涼州。是則武侯之前有八陣。後亦未嘗亡也。桓溫曰是常山蛇勢。徒妄言耳。魏刁雍表采諸葛八陣。李靖對太宗曰臣本亮八陣法也。孔明受封成鄉谷。在南鄭縣。葬定軍山。在沔陽故城南。今漢中府沔縣。

冥阨之塞。卽鄙阨也。○魏攻冥阨卽此。呂覽淮南九塞。其一也。定四季楚左司馬戍曰還塞大隧。直轅冥阨。春申君傳秦踰黽隘之塞。而攻楚楚世家。楚人對項襄王曰涉鄙塞而待秦之倦也。戰國策莊辛曰穰侯受命秦王。填黽塞之口。而投已于黽塞之外。蘇氏殘均陵。塞鄙阨。均陵卽均州。鄙申州羅山縣。申州宋

通雅 卷之十三 漢山此非車  
爲信陽軍。此時改州羅山。其屬縣卽漢鄱縣也。塞鄱。罷竝音萌。戴氏音鄱。爲毋杏切。信陽州在漢爲平氏縣。魏爲義陽。後魏郢州。

入川有四棧道。三谷。舊志以爲一者非也。○何仲默三秦記曰。自秦入蜀有三谷四道。三谷者。其西南曰褒谷。南曰駱谷。從泮入。東南曰斜谷。從郤入。其所從皆殊。舊志謂首尾一谷。非是。其棧道有四。從成和階文出者。爲沓中。陰平道。鄧艾伐蜀由之。從兩黨出者。爲故道。漢高帝攻陳倉由之。從褒鳳出者。爲今連雲棧道。漢王之南鄭由之。從城固洋縣出者。爲斜谷道。或侯屯渭上由之。此四道三谷者。關之險阨。攻取所從來固矣。舊志云駱

谷黨谷同一谷。褒谷斜谷同一谷。

馬鳴閣道。利州棧道也。○徐晃傳與夏侯淵拒劉備于陽平。備遣陳式等。絕馬鳴閣道。水經注褒水出衙嶺山。逕大石門。歷故棧道下谷。俗謂千梁無柱。孔明與兄瑾言云。前趙子龍退軍。燒壞赤嵯。以北閣道。緣谷一百餘里。其閣梁一頭入山腹。其一頭大柱於水中。今水大而急。不可安柱。此其窮極。不可強也。又曰。頃大水暴出。赤崖以南。橋閣悉壞。時趙子龍與鄧伯苗。一戍赤嵯屯田。一戍赤嵯口。但得緣崖。與伯苗相聞而已。此卽褒斜道。一名石牛道。子房燒絕者。魏延先退而焚。亦是道也。後修路者。無復水中柱。楊平關在漢中褒城縣西北。與江關白水關爲三。

蜀關今在寧羌州。類要馬鳴閣在利州。今保寧府廣平縣。即秦葭萌地。輿志昭化縣有馬鳴閣。劍州有劍閣棧道。褒城謂之連雲棧。

郝閣李翁所修西狹閣道也。○漢成都太守李翁建寧五年大碑。曾南豐跋辨永叔郝閣頌跋之失。

西陽石陽。○滿寵知吳必襲西陽。西陽在黃岡縣東南。石陽故城在黃陂縣西。吳征江夏圍石陽不克而還。劉表使黃祖于此築城鎮遏。因名黃城鎮。晉志魏文分汝南大弋陽郡。治西陽。宋之光山縣也。晉為弋陽郡。治黃州黃岡。永嘉後始移西陽。置故邾城。上流五里。輿城廣記黃岡本漢西陵地。故今人多稱之。而

陸抗破步闡。陸遜所守之西陵。則今之夷陵州也。蜀分南郡大宜都。吳孫休分宜都大建平。通典峽州。楚夷陵。魏或置臨江郡。蜀改宜都。吳黃武元年破蜀。改夷陵為西陵。邾城在黃岡東南百二十里。吳克邾城。使陸遜以三萬人城而守之。陶侃不肯分兵鎮邾城。亦是一見。庾亮以毛寶戍之。果敗。

下澁戍。鄧寨也。○通典在隨州棗陽東南。隋志漢東郡唐城縣。西魏改灃西為下澁。昔四季楚除道梁澁。營軍臨隨。注澁水在義陽。厥縣西。東南入鄧水。今棗陽縣屬襄陽府。隨州屬德安府。義陽今信陽州也。通典又云襄陽三百里。是魏馬圈鎮。陳顯達攻圍不拔。在鄧州穰縣北。鄧州即所稱沔北也。楚豫連接。分割

分割易混。王昶言屯宛。去襄三百里。惡不相赴。遂從屯新野。宋之穰縣。此時仍為新野縣。屬南陽府。南陽即宛也。宛平聲。春秋稱申南陽。今有唐縣。古時唐縣大。故漢兼下滄之地。而今小耳。唐近楚。楚之重鎮在魯山。魯山為襄蔽。漢之堵陽。今之裕州。汝州即楚之方城也。魏時重樊郡縣志。襄州臨漢縣。本漢鄧州。古樊城也。今襄陽府志。古蹟現在。仲山甫之國也。一曰鄧塞。吳陸士衡稱下江漢之卒。浮鄧塞之舟是也。曹操救樊。駐軍摩陂。摩陂在潁川。潁縣。宋之潁昌府。潁縣也。智按宋潁昌。是今開封之許州。而潁縣乃屬汝州。

郟陽在鄧漢之間。非順陽新陽也。○漢中旬陽縣。旬水南入沔。酈商攻旬關。正義曰。在金州。金州後漢末為西城郡。魏改魏興。申儀為太守。屯洵口。蘇秦所謂郟陽。即洵。洵。旬。郟。三字通。徐廣以為順陽。順陽在鄧州穰縣西。新野也。索隱以為新陽。新陽在蔡州真陽縣西南。汝寧也。皆非也。今漢中興安州。魏之金州也。楚與秦盟黃棘。秦復與楚上庸。正義括地志云。今房州竹山縣。及金州是。項襄十九季。割上庸。漢北地。予秦。正義謂割金房均三州。及漢水之北。今漢中府之石泉縣。亦漢上庸也。十度云。洵水在晉陽。

涂唐。今滁州也。○涂音滁。滁州也。晉瑯琊王佃出滁中。即此地。吳赤烏十三季。作堂邑滁塘。以淹其道。漢堂邑屬臨淮。後漢屬

通雅 卷之十三  
廣陵。九域志真州六合縣。楚之棠邑也。今名瓦梁河。晉咸和議作涂塘。祖約曰棄我也。太元四季。謝石師行師。屯涂中。

東陽不一。○劉裕滅廣固。築東陽城。沈文秀守之而陷。卽青州府治東城。荀羨鎮下邳。屯田東陽石鼈。固是同名。漢臨淮郡有東陽縣是也。按卽邳州。今浙又有東陽縣。清河郡亦有東陽縣。清河桓帝改甘陵。唐之貝州。宋之恩州。今恩縣屬東昌府。左傳趙勝帥東陽之師以追齊是也。今廣平府清河縣屬唐貝州。散關。南北之界也。○寶鷄南二十里爲大散關。和尚原在焉。山自西來。卽秦嶺一支。不獨爲秦蜀之界。亦中國南北之界也。凡水在嶺南者南行。通名曰江。水在嶺北者北行。通名曰河。朱子釋河。亦曰北方流水之通名。

通雅卷之十三終

釋詞亦曰非式或水之脈各

通雅卷之十四

桐山方以智密之輯著

同里姚文燮經三較訂

地輿 方或

漢之南鄭。今漢中府縣是也。京兆桓友封邑之鄭曰西鄭。亦曰南鄭。今屬華州。無其名矣。因鄭有圃田曰圃鄭。因遷曰新鄭。今屬開封之鄭州是也。宋陽中牟管城。則歷代分合。今仍存其名。為縣。皆新鄭之地也。○墨莊漫錄疑漢中南鄭。京兆有西鄭。亦曰南鄭。又疑新鄭之名。因穆天子傳。屢書天子入于南鄭。傳瓚謂穆王所都。第五卷祭父自圃鄭來謁瓚。所謂鄭父之丘是也。

智考之漢京兆有鄭縣。通鑑外紀。宣王二十二年。封季弟友于鄭。都咸林。括地志在華州鄭縣西北三里。其曰西鄭者。以圃鄭爲東也。曰南鄭者。華州在鎬京之南也。瓚謂鄭桓公無封京兆之文。師古又曰。穆王以下。無西鄭之事。瓚說非也。此皆混于其名耳。穆王出遊。入必返西鄭。鄭近都。蓋圻內之邑也。或別宮在焉。應邵曰。友封于西鄭。其子與平王東遷。更稱新鄭。一統志漢中府。附郭曰南鄭。卽下鄭。桓公沒于犬戎。其民南奔居此。因曰南鄭。此皆附會之說。蓋漢中自在京兆之南也。鎬京稱西鄭曰南鄭。乃當時都人之稱也。穆王時已有圃鄭矣。地名相同者多耳。水經注竹書紀年。晉文侯二年。同王子多父伐鄭。克之。乃居

鄭父之丘。名之曰鄭。是爲桓公。世紀云。有熊氏之墟。黃帝所都也。服虔云。鄭取鄭而不居其都。杜預曰。鄭在滎陽密縣東北。新鄭在滎陽宛陵縣西南。由此觀之。或者桓先封華州。後伐鄭而封鄭乎。是未可知也。爾雅曰。鄭有圃田。注一名原圃。渙仲曰。在中牟西北七里。鄭州管城縣東三里。管城管叔所封。或疑宋時中牟管城相去僅得十里。而分兩縣邪。蓋謂縣距其澤邊如此耳。其澤東西五十里。南北二十六里。西限長城。東極官渡。上承鄭州管城界。曹家陂。又益西北流。爲二十四小陂。小鵠大鵠小斬大斬之類。此見善長所記。猶有大灰小灰。散嚇。羊圈等名。今開封府鄭州領滎陽。而禹州領新鄭。又別立中牟。卽廣武地。而

通雅 卷之十四  
西北圃田澤在焉。則分其地也。今之陝西華州。在唐宋皆領鄭。下邽。華陰。渭南。蒲城。五縣。於鄭則曰鄭桓公所封邑。有大華山。灌水。沉水。金改全安軍。以商州爲支郡所領。亦與唐宋同。元復爲華州。領三縣。至今因之。後以渭南屬西安府。惟領華陰。蒲城。二縣。

下邽之邽如程。○書序曰。維周王季宅程。孟子文王卒於畢邽。史記正義引周書云。惟周王季宅邽。邽故城在雍州咸陽縣東。周之邽邑也。詩正義周書稱文王在程。作程寤程典。皇甫謐云。文王徙宅於程。蓋謂此。闕駟以爲右扶風安陵是。智來蒼梧。見士人稱梧州北四十里曰下邽。讀之如程。可知古邽字有程音。故相通也。

崆峒。或爲空桐。空同。○漢書作空同。爾雅北戴斗極爲空桐。故云在梁國虛城東三十里。焦氏誤刊黃香九宮賦作空洞。唐地理志在岷州溢樂縣西。今西和州。史記黃帝至空桐。韋昭曰。在隴右。正義曰。笄頭山一名崆峒。在原州平高縣。今平涼府西。卽崆峒山。有廣成子宮。臨洮府亦有崆峒山。括地志在肅州福祿縣東南。今肅州衛。卽漢酒泉郡。漢武亦于隴西登空桐。水經注。獲水逕空桐澤。哀二十六年。宋景公遊空澤。卒。大尹奉公自空桐入。是也。又贛州吉水汝州肇慶陽江縣。皆有崆峒山。北陵。雁門也。○山海經雁門之山無草木。雁出其間。有雁門水。

通雅 卷之十四 三 漢山止非車  
經注云卽北陵。在高柳北。高柳在代中。今雁門關在太原府代州。有句注雁門山。

廣陵之稱揚州。自隋始也。○通鑑樊毅克廣陵。楚子城。非江都之廣陵也。按魏太和中。蠻帥田益宗納土于魏。魏爲立東豫州。治廣陵城。五代志汝南郡新息縣。魏置東豫州。則此廣陵乃新息之廣陵也。又梁武帝置楚州于汝南郡之城陽縣。治楚城。卽楚子城也。秦氏曰。凡稱揚州者。東漢指歷陽。或壽春。或曲阿。中原自魏至周。指壽春。或合肥。江左自吳至陳。指建業。或會稽。隋唐五代乃指廣陵。廣陵在二漢時爲吳國江都。廣陵國。廣陵郡。劉宋爲南兖州。北齊爲東廣州。後周爲吳州。唐初亦爲邗州。其爲揚州。自隋始也。祖述中流。堑言所對京口。舊濶四十餘里。今濶十八里。合瀆渠。卽吳掘之邗溝。東北道射陽湖。亦曰山陽濁水。經注曰。下邳城。漢徙韓信爲楚都。文頴曰。秦置東陽郡。今下邳。晉灼曰。本屬臨淮。明帝分下邳。後分屬廣陵。故張晏曰。東陽郡。今廣陵也。伯厚言唐韓皋誤者。因皋謂廣陵散。指儉誕舉事而散於廣陵也。劉邠中山詩話。謂揚州治壽春。儉誕皆死壽春。則韓皋之言誠誤矣。嵇康得廣陵散於華陽亭。則在密縣。

漢魏之揚州。今壽州也。○通典壽春郡。後漢揚州刺史領郡六。治此。魏曰淮南。仍揚州爲重鎮。儉誕治此。晉元帝永昌中。豫州刺史祖約。自譙還鎮於此。宋義熙。劉義慶又鎮此。永元初。裴叔

通雅 卷之十四 四 漢山止鼎車  
業以城降魏。後魏曰揚州。梁武普通七年克之。置南豫州。後降魏。陳太建復得壽陽爲豫州。隋改壽州。今壽東四十里。宋殷琰築四壘於此。宋之安豐軍。古壽春也。其城築自楚考烈王徙都而經始焉。

陸口。蒲磯口也。○魯肅呂蒙屯陸口。在鄂州蒲圻縣南。寰宇記曰卽陸溪口也。水經注。練浦東合練口。江浦也。直南練洲江之右岸。得蒲磯口。卽陸口也。水出于下雋縣三山溪。

一合塲城。宜陽也。○六國表。秦惠文王二年。拔韓宜陽。韓昭侯廿四年也。秦武王四年。拔宜陽城。韓襄侯四年也。漢屬弘農郡。隋志。洛州宜陽縣。後魏置宜陽郡。東魏置揚州。後周改曰熊州。通典曰。河南府福昌縣。漢宜陽縣也。縣城卽魏之一合塲城。東南北三面。峭絕天險。宇文周重兵于此。以備高齊。水經注曰。一合塲。惟築一面。伯厚誤作一金塲。蓋黽池縣治。南對金門塲。水南五里。舊宜陽縣治也。

吳會。吳郡會稽郡也。○永建四年。分會稽爲吳郡。吳志朱桓部伍。吳會二郡。莊子釋文云。浙江爲吳會分界是也。後人誤以爲一處。非矣。陸廣微曰。漢順帝永建四年。分吳郡會稽爲兩浙。

淞江。去水。乃以名郡。○松江本緣淞江得名。其地下。每有水災。乃去水而作郡。吳淞江。今吳江。寶帶橋一路是也。亦名松陵。眉州有江。亦名松江。卽蜀江分派。過州城與醴泉江合。

教山教水。卽嶠也。三嶠又名嶽崙山。○在河南汝寧縣北三十里。自東嶠至西嶠。三十五里。輿地廣記。嶠連入硤石界。所謂南陵夏后墓。北陵文王避風雨者也。晉敗秦于硤。陝州石壕鎮本硤縣。後魏改硤石。汜水縣。又有古硤關。其名同也。山海經教山教水卽硤字。成山關水卽涿字。

蛾眉。謂其似也。○陸文裕曰。蛾眉本以兩山相對如蛾眉。故名。字當從虫。今分三蛾。又汀州歸化縣。邵武泰寧縣。廣西太平府。汝州皆有蛾眉山。而東西梁山。名蛾眉。亦以采石望之似也。字書加艸加木。加邑加山者多矣。

荆楚。古通稱曰荆舒。舒古屬楚。○春秋莊十年書荆。僖元年始書楚。孔氏曰。殷武。荆楚並言之。楚之稱荆久矣。熊繹在荆山。後居郢。卽荆州。以其居荆。故稱荆。荆楚十字義亦一物也。舒有群舒。舒鳩。舒蓼。舒庸之屬。今有舒城。其遺也。舒鳩。今無爲州巢縣。舒蓼在安豐。今之六安也。舒庸以爲東方國。謂之群舒。皆偃姓。皋陶後。又有龍舒。地理志在廬江縣西。今爲做邑。桐城。唐稱舒州。總言皖郡也。

楚伐吳。至衡山。今之橫山也。○楚伐吳。克鳩茲。至于衡山。鳩茲。今蕪湖。非衡山。明矣。然橫山亦不一。南京溧水之南鄉有橫山。廣德有橫山。松江有橫山。湖州有橫山。顏魯公吳興地記。烏程縣境有顓頊冢。圖經云。晉初衡山見顓頊冢。有營丘圖。言衡山

卽楚伐吳克丘茲之衡山也。今日橫山。顓頊都帝丘。今濮陽大名。豈有家在此。豈舜葬蒼桐。禹葬會稽之事乎。易程又有杼山。言夏杼巡狩至此。杼。夏七世主也。禹會會稽。杼自至此。安知南方非舜禹所収。而商周復棄之耶。

魯口。夏口也。沙羨也。晉以武昌名郡。通典所謂鄂州也。庾亮南樓正在此。而伯厚以爲在武昌縣。則沿舊說也。○春秋曰夏汭。自後漢末曰夏口。亦名魯口。吳錄黃祖爲江夏太守。始于沙羨。夷音置屯山。簡自襄奔夏口。庾翼爲荊州治夏口。劉毅以爲夏口二州之中。請劉道規鎮之。六年自臨鄆徙鎮夏口。城據黃鵠磯。晉地理志沙羨夏口對沔口。吳黃武二年城沙羨。通典曰。卽鄂

州。劉表傳注夏口。卽鄂。宋武平義宣分爲鄂州。鎮夏口。隋復爲鄂州。夏本江之沱。自江陵東南流。東過華容雲杜入沔。謂之賭口。冬竭夏流。總合襄漢。至魯山。東入岷江。曰沔口。今日漢口。江南卽江夏。黃鶴樓。今武昌府治也。沙羨。宋之鄂州。而武昌縣爲故東鄂。晉有鄂縣是也。伯厚因此遂曰。庾亮南樓。非鄂也。豈孫吳已城沙羨。而庾鎮尚不居要地耶。凡都督必居形勝之地。一語可斷。唐武德中。以此地稱武昌軍節度。而晉書庾翼爲荊州治夏口。自黃祖屯此。知爲兵衝要地。豈建反取山僻邑耶。前人注解牽泥舊名。而攷究家奉之。實不然也。

劉錡順昌之捷。今之潁州也。○宋趙彥衛曰。一州四名。如會稽

郡名越州名紹興府名鎮東軍額一州三名如吳郡名蘇州又名平江有交互難別者如潁州曰順昌府許州曰潁府之類

晉新亭非吳新亭今之新亭非晉新亭矣○宋時建康新亭在朱雀航西五里俗名鵝頂程大昌謂晉之新亭在長干寺南不當在鵝頂按晉劉氏世說吳新亭舊基已淪隆安中司馬恢徙

創今地安知此地不又徙乎今則並非王導正色之地矣丹陽記有三亭司馬恢一亭太元中謝石創征虜亭二吳縉紳創冶

亭

舊名北苑茶今作北源○丁晉公有北苑茶錄三卷世多指建州茶焙爲北苑故姚寬叢語謂建州龍焙面北遂謂之北苑此

說非也李氏都建鄴其苑在北故得稱北苑水心有清輝殿張洎爲清輝殿學士別置一殿于內謂之澄心堂故李氏有澄心堂紙其曰北苑茶者是猶澄心堂紙耳今則徽州松蘿以北源名

中潭河陽之中城也○河陽三城南城在河陽縣西卽孟津亦

曰富平津中潭城東魏元象元年築唐李光弼守此禦史思明方勺曰河陽中城曰中潭黃河西派貫三城之間潭音誕爾雅

曰沙出也江東呼水沙堆爲渾越人以川流淺急處爲渾渾灘寔一字皆他丹切說文曰灘水濡而乾也引詩灘其乾矣孫氏

呼旱切竟作曠字楞嚴經乾爲州渾音誕此方人據字書而抄其

音釋耳。智曰夫非房融筆受耶。

二州之地。以東萊為確。然成周謂之總名。有之。○鞏洛。今河南鞏縣洛陽縣也。二周。威烈王之後。西周。河南也。曰王城。東周洛陽也。曰成周。徐廣曰東周比亡之時。凡七縣。河南。洛陽。穀城。平陰。偃師。鞏。緱氏。自考王封其弟揭于河南。以續周公之職。是為河南桓公。在陽城故地。威烈王嗣位。西周。惠公封其少子班於鞏。以奉王寔。東周惠公。此東西周分之始也。按左傳昭二十六年。晉師克鞏。周紀惠公封其子于鞏。東周王所居洛陽也。鞏。班之采邑也。馬貴與亦載鞏為東周所居。誤矣。顯王二年。趙與韓分周為二。顯王雖在東周。特建空名于上耳。周本紀云。赧王時

東西周分治。非也。赧王特徙都西周耳。呂東萊大事記曰。西周河南即夾鄆。武王遷九鼎。周公營以為都。曰王城。東周洛陽。周公所營下都。以遷頑民。是為成周。鮑彪注國策。即以赧王為西周君。為正統。此誤也。邵子經世亦誤。公羊傳曰。王城者何。西周也。成周者何。東周也。昭二十六年。天王入成周。三十二年。城成周。蓋敬王定遷。在既城之後。而孫莘老。胡康侯。皆以成周即京師。亦未考王城成周之實。而誤合為一也。智按續漢志。河南縣。周公所城。雒邑也。春秋時謂之王城。東城門名鼎門。北城門名乾祭。豈非因郊鄆定鼎而名乎。帝王世紀曰。河南城西有郊鄆陌。在漢時河南郡。有雒陽縣。成周也。有河南縣。郊鄆。王城也。卜

澗水東。灑水西。平王居之。今苑內。故王城是也。又卜纏水東。是爲成周。今河南府故洛城是也。地道記曰。王城去雒城四十里。今之河南府。有洛陽故城。在府城之東。洛水之北。卽成周。自東漢西晉後魏皆都之。新安縣則爲春秋時西周地。伯厚曰。洛水之北。亦有鼎中觀。成周有狄泉。在城中。據通典則狄泉在洛陽城東三十餘里。呂氏又曰。洛陽雖有二城。而成周則其總名。杜預孔穎達皆以下都爲成周。謂敬王避子朝之亂。自王城徙都之。其說非一端也。升菴再引之。而智謂總名。亦有其理。

華亭在密縣。○史記秦昭王三十二年。白起攻魏。拔華陽。走芒卯。斬首十五萬。司馬彪曰。華陽亭名。在密縣。嵇叔夜常採藥于山澤。學琴于古人。卽此亭。非松江之華亭縣也。唐李茂貞於隴州。廢華亭縣。以縣爲州治。宋改儀州。後廢州。以縣屬渭州。

桐丘城在許。○洧水又東南逕桐丘城。春秋左傳。莊公二十八年。楚伐鄭。鄭人將奔桐丘。卽此城也。杜預曰。在潁州許昌城東北。又兗州路有桐城驛。敝邑之名。桐城則自唐始。徐鉉稽神錄言舒州桐城縣。雙港有風吹錢過市事。又言僧德材至桐城。永叔傳梅聖俞。曾歷桐城。主簿馬總曰。咸通中。孔威刺舒。進龍骨云。桐善政。鄉龍鬪死。今志未載。

茅驪卽大驪。具茨山也。○水經。溟水出河南密縣大驪山。注云。卽具茨。黃帝登具茨。升洪堤。受神芝圖于黃蓋童子。史伯答桓

公曰。如前莘後濁。左洛右濟。王丕驪而潛消。鄭語作王芣驪而食溱洧。韋昭曰。芣驪山在密縣。

田悅改魏州曰大名。而大名之魏在蒲州。○畢萬曰大名之魏在今之蒲州。宋之永樂縣也。而唐魏州乃曰大名。今號大名府。五代以大名爲鄴都。李氏得之。改其府曰興唐。石氏得之。改其府曰廣晉。而其軍曰天雄。總之故魏州也。田悅改大名。見國都下。

秦亭卽街亭。○馬謖與張郃戰于街亭。今在靈昌府秦州。所謂秦亭卽街亭也。以爲在南鄭。卽誤矣。秦州古成紀地。漢天水也。蒙茶在蜀。非山東之蒙也。○諺云。蒙山頂上茶。乃今雅州之蒙

山。唐李德裕入蜀得蒙餅。沃於湯餅。移時盡化。而兗州曹縣之蒙山亦載蒙頂茶。青州蒙陰之蒙山亦載其巔產茶。乃艸藥也。爨曰。禹貢蔡蒙。一云蒙在雲南。蔡沉云同在雅誤。

齊桓葵丘在考城。非青州之葵丘也。○齊桓會諸侯之葵丘。據括地志在曹州考城縣東南一里。考城今屬歸德府矣。非青州臨淄之葵丘也。說文作鄒丘。又有鄒地。在臨汾。漢祭后土處。管子輕重丁篇有崢丘。注卽葵丘。

濮潞。霍瑯琊不一。○伊尹爲四方獻令。正南百濮。鄭語楚蚡冒始啟濮。通典有尾濮。木綿濮。爾雅南至于濮鉛。不獨大名之濮陽也。南中志。談藁縣有濮獠。又有閩濮。水經注異水逕長杜南

漢北。漢水出焉。衛靈聞靡靡之樂於此。漢陽有鮑丘水。又名潞水。檀州密雲縣有潞水。自塞外流入。今通州有通潞亭。非獨山西之潞安也。滁州全椒有瑯琊山。瑯琊谿。青州府諸城有瑯琊山。始皇常留此三月。卽勾踐觀臺也。尚有瑯琊城。漢瑯琊郡治此。職方冀州山鎮。謂之霍大山。在晉州霍邑東北三十里。今之霍州。又潛山縣天柱峯。名霍山。漢武所望封。廬州又有霍山縣。輿地記以鳳陽府之霍丘縣。爲周霍叔所封。則稱平陽之霍州。爲霍叔者。必有一誤矣。

熊耳。介兩省。非有二也。○洱記曰。熊耳山在商州上洛縣南四十里。商州今屬西安府。其洛南縣。卽漢上洛也。禹導洛自熊耳。則在虢州盧氏縣界。盧氏今屬河南府之陝州。輿地記曰。兩峯若熊耳。卽達磨葬處。是有兩熊耳矣。智按熊耳在陝西河南之界。輿地于商州熊耳載伊水所出。而伊水出盧氏閭頓嶺。經洛陽入洛。可徵矣。水經注曰。宜陽有熊耳山。雙巒並舉。光武破赤眉樊宗。積甲仗與熊耳山齊。齊桓登熊耳。望江漢。極目也。山際有池。世謂之黽池。均水出浙縣北山。卽熊耳之枝。

童華。乾谿有數處。皆譌傳也。○筆談曰。天下地名。錯亂乖謬。率難考信。如楚童華臺。亳州城父縣。陳州商水縣。荊州江陵。長林。監利縣。皆有之。乾谿亦有數處。據左傳。楚靈王七年。成童華之臺。與諸侯落之。杜預注。童華臺在華容城中。華容卽今監利縣。

非岳州之華容也。至今有章華故臺。在縣郭中。與杜預之說相符。亳州城父縣有乾谿。其側亦有章華臺。故其臺下。徃徃得人骨。云楚靈王戰死於此。商水縣章華之側。亦有乾谿。薛琮注張衡東京賦。引左氏傳。乃云楚子成章華之臺于乾谿。皆誤說也。左傳實此文。章華與乾谿。元非一處。楚靈王十二年。王狩于州來。使蕩侯潘子司督囂尹午陵尹喜帥師圍徐以懼吳。王次于乾谿。此則城父之乾谿。靈王八年許遷于夷者。乃此地。十二年公子比爲亂。使觀從從師于乾谿。王衆潰。靈王亡。不知所在。平王卽位。殺囚。衣之王服而流諸漢。乃取葬之。以靖國人。而訃以乾谿。靈王實縊于芊。他年巾亥以王柩告。乃改葬之。而非死于乾谿也。昭王二十七年。吳伐陳。王帥師救陳。次于城父。將戰。王卒于城父。而春秋又云殺其君于乾谿。則後世謂靈王實死于是。理不足怪也。

成陽與城陽自別。○黃長睿曰。永叔集古錄靈臺碑。以爲史記地志。水經諸書。皆無堯母葬處。予按漢章帝紀注。述征記咸陽縣東南。有堯母慶都墓。又按水經注。今成陽城西二里有堯陵。陵南一里。有堯母慶都陵。集古又云。俗本多作城陽。獨此碑爲成陽。予攷成陽與城陽自別。成陽縣屬濟陰。城陽乃漢齊悼惠王之子章所封之國名。集古又云。廷尉某。姓名摩滅。予按廷尉仲定碑云。遷廷尉卿。託病乞歸。修堯靈臺黃屋三十餘。而靈臺

碑中有云。濟陰太守成陽令。各遣大椽輔助仲君。故知仲定無疑。

傳險傳說所隱窟也。○地理志傳險。卽說所隱之窟名。升菴曰險。古巖字。聖人窟。今在陝州。

秦垆卽太行山。○升菴曰湯歸至于秦卷。陶索隱曰鄒誕生卷作垆。則卷當作垆。與尙書同。非衍字也。慎按秦垆卽太行。行元有此音。列子作太形。山海經五行之山。按行有刑音。則與垆音近耳。

汲黯卧治之淮陽。在陳州。非淮安也。淮安。淮陰也。○漢高夷彭越。分梁地爲二國。立子恢爲梁王。子友爲淮陽王。文四年徙代

王武爲淮陽王。通典漢淮陽郡故城。在陳州宛丘縣西南。汲黯

卧治此也。後魏尉元曰。先定下邳。平宿豫。鎮淮陽。城東安。則青

冀諸鎮。可不攻而克。輿地廣記曰。淮陽縣在泗陽之間。有淮陽

城。梁置淮陽郡而隋廢之。唐貞觀省入下邳。水經注淮陽城北

臨泗水。宋爲淮陽軍。今淮安府。漢屬臨淮郡。曰淮陰。晉曰山陽。

唐宋之楚州也。祖逖屯淮陰。劉隗鎮守。卽此地。南齊志永和。中。

荀羨云。淮陰地形都要。水陸要衝。故立城池。寰宇記故淮陰縣

城在山陽縣。宋陳敏曰。楚州爲南北襟喉。長淮二千餘里。河道

通北方者五。淮汴渦潁蔡是也。其通南爲楚州。運河一處。周世

宗自北神堰鑿老鸛河。通戰艦入大江。而南唐遂失淮南之地。

劉季裴曰謝玄八千人當苻堅九十萬揚行密清口三萬人當朱全忠八州之師則扼淮之力也薛氏曰自孫氏作涂中東興塘鄧艾築石鼈以營田在寶應西荀羨填下邳屯田于東陽之石鼈南唐瓦梁堰障蔽長江南唐修東西瓦梁城皆為扼淮之助其曰角城者晉義熙中立大寧中劉遐退屯泗口即其地蓋淮泗之會也今屬宿遷縣。

中牟有二。一在河南。一在河北。能改齊漫錄辨之。

呂梁有三。○莊子呂梁在呂梁縣南泗水上。有石梁。司馬彪曰呂梁在離石縣南。水經注浦水出善無縣。歷呂梁之山為呂梁洪。今呂梁在徐州下百二十里。

三河○唐堯都河東。殷都河內。周都河南。故稱三河。升菴曰黃河析支河。湟河亦稱三河。唐詩曰天子三河募少年。

三楚○淮北沛陳汝南二郡。此西楚也。彭城以東。東海吳廣陵。此東楚也。衡山九江。江南豫章長沙。此南楚也。或曰楚文王都郢。楚昭王都鄂。楚考烈王都壽春。故曰三楚。

三秦○項羽三分關中地。封章邯雍王。司馬欣塞王。董翳翟王。故稱三秦。

三吳○圖經云漢分會稽為吳。與吳興丹陽為三吳。通典同。水經以吳興吳郡會稽為三吳。指掌圖以蘇常湖為三吳。其說不同。七修稿云春秋之吳都蘇常之間。漢封之吳都會稽。即蘇常嘉杭。非

紹興之。三國之吳。初為會稽太守。封吳侯。即蕪松常鎮。備記之。杭嘉湖之地。

三梁三齊三蔡。○謂南梁大梁少梁。齊及濟北膠東。新蔡上蔡下蔡。

三關不一。○陽平江關白水。乃蜀漢三關也。平靖武陽黃峴郡。

縣志載義陽三關也。晉秦始割南陽。置義陽郡。上黨壺口石陘。

馮衍傳。上黨三關也。益津關在霸州。瓦橋關在雄州。淤口關在

信安軍。此周世宗所取三關也。偏頭倒馬紫荆。山西之三關也。

五嶺不一。○張耳傳秦南有五嶺之戍。師古曰西自衡山。南東

窮海。一山之限耳。而別標五者。裴淵廣州記曰。大庾始安臨賀

桂陽揭陽。是為五嶺。鄧德明南康記曰。大庾一。桂陽騎田二。九

真都龐音龍三。臨賀萌渚四。始安越城五。輿地記一曰臺嶺。一曰

塞上。即大庾也。二曰騎田。三曰都龍。四曰萌渚。五曰越嶺。按九

真太遠。當以裴說為是。伯厚曰騎田即彬州臘嶺。都龐即道州

永明嶺。昨渚即道州白芒嶺。則道州有二。可疑也。廣川書跋唐

李侗為衡州刺史。言衡陽為五嶺門。廣川辨之。以裴潛所說為

是。蓋或又一五嶺也。

有崑崙。有小崑崙。有崑崙塞。有崑崙丘。○禹本記崑崙高二千

五百餘里。山海經內。崑崙虛。帝之下都。方八百里。而有九折五

門。郭璞曰此自別有小崑崙也。淮南子曰崑崙虛中有增城九

重。木禾珠樹玉樹瑄樹不死樹。十洲記之崑陵即崑崙。故曰有

五角。神異經云崑崙有銅柱。因河圖天柱說也。張騫渡西海。至大秦烏遲國。復有西海。海濱有小崑崙高萬仞。方八百里。永平竇固出燉煌崑崙塞。擊破白水軍於蒲類海上。章懷太子注。謂崑崙山名。因以為塞。在今肅州酒泉縣西南。周穆王見西王母於此山。有石室。博物志引河圖括地象曰。崑崙廣萬里。泉南流入中國曰河。八十城布繞之。中國居一分。是姦城也。今南寧府泉州永春縣。皆有崑崙山。梧州陸川縣有崑崙水。爨曰崑崙。言其形渾淪。高大不可測也。地球為五大州。環海包之。每州必有中高。崑崙亞細亞之中高也。故其水皆分面而趨。

九山九川。九州之山川也。○此禹貢九山刊旅。九川滌源注極

是。史記正義以汧壺口。砥柱。太行。西頃。熊耳。嶓冢。內方。汶。為九

山。此汶即岷也。索隱曰汧壺口砥柱太行西頃熊耳嶓冢內方岐。是

九山也。古分為三條。故地理志有南北條之荆山焉。馬融王肅

皆因之。鄭玄以為四列。一行以為兩戒。索隱之言。則以弱黑河

漾江沈淮渭雒為九。漾即漾。漾即西漢也。呂氏春秋九山會稽

太山王屋首山。太華岐山。太行羊腸孟門。鄭樵曰州縣之設。有

時而更。山川之形。千古不易。所以禹貢分州。必以山川定經界。

使兗州可移。而濟河之兗不可移。使梁州可遷。而華陽之黑水

梁州不可遷。後之為史者。主為州縣。州縣移易。而其書廢矣。

陘言徑也。峴言峻也。太行八徑。兩路入燕。○謝康樂詩蒼遽涉

陘音刑。陘為徑之平聲。峴為嶮之外聲。青州襄陽以峴著。太

行以陘著。山海有少陘山。御覽謂在滎陽。齊桓伐楚次于陘。楚

世家魏取陘山。蘇秦于韓曰。南有陘山。于楚曰。北有陘塞。楚子

治兵于汾。注在襄城。智按屬汝州。所謂汾陘之塞。在汝鄭二州。

非山西之汾陘也。太行八陘。專在北方。呂覽淮南皆云大汾澗

阨荆阮方城穀阪并陘。今疵句注居庸為九塞。元和郡縣志。太

行山首起河內。北至幽州。凡有八陘。軹陘。太行陘。白徑陘。在河

內。滏口陘。在鄴西。并陘。飛狐陘。真蒲陰陘。保定在中山。軍都陘。

昌平在幽州。鎮州獲鹿縣。并陘。關曰土門。太行第五陘也。第四

滏口陘。對鄴西滏水。燕慕容垂出滏口。入天井關。唐李光弼出

土門。破史思明軍。韓信擊趙。東下井陘。今真定有井陘縣。獲鹿

與太原府。平定州。皆有井陘關。水經注所云。長嶺通道。即鉞陘

也。穆傳之鉞隊三陘也。代州靈丘縣西北。有石銘題。冀州北界

號石銘陘。愚者曰。紫荆北口。浮圖峪。為飛狐。軍都陘。即居庸。此

二陘為燕背腋。李存勗命周德威出飛狐。入幽。執劉守光父子。

同光三年。阿保機從居庸圍幽州。唐主遣李嗣源救德威。宣和

四年。金阿骨打從居庸入燕。宣和定四年。鐵木真克宣府。懷來。金

保居庸。乃留兵拒守。而大兵趨紫荆。入拔易涿。反自南攻破居

庸。而卒入燕。此其勢也。

率山即三天子都。今之張公山也。○朱大同曰。徽之張公山。即

率山在黟績間。智考之。在今寧婺源間。汪南溟辨。證甚詳晰。吳澄地理表曰。率山乃江南諸山之祖。山海經所云。三天子都。實彭浙兩源。乃斷然知是張公山。而以昔所謂黟山率山大鄣者。本一山也。石上尚有三天子都刻字。水經曰。漸江出三天子都。廬江出三天子都。都一作鄣。水流彭蠡。又流漸。卽浙也。堪輿承訛。言廬山出天子地。卽以彤家論。彭湖之水。過宮反背矣。芝嶽。太和山也。○卽武當也。今日太和山。玄帝之先。淨樂國王治廩。今均州也。有榔梅祠。玄帝曾折梅寄榔。曰。道成當結實。後果然。舊爲武當縣南山。如負宸。惟玄武足以當之。其宮制視漢未央宮。宋諱玄。稱真武。

闕里。因石闕而名。○曲阜志。西南二里有雙石闕。卽靈光之南闕也。按今兗州府有靈光殿。有闕里。云魯共王壞孔子宅處。儀封屬開封。○類考云。開封蘭陽。有儀城。卽封人見孔子處。智按。今開封屬。有儀封縣。蘭陽縣。孔子初失位。去魯適衛。北自夷儀入。後又自蔡反衛。南自石門入。互鄉。今在睢州。○互鄉。名古廩里。王无咎云。鹿邑之外有互鄉城。

始興之鼻。天子冢。非象庠也。○有鼻。卽有庠。零陵縣有有鼻墟。一統志始興鼻。天子冢。有人掘得銅人無數。三代以前。豈有銅人殉葬之事。必非象也。羅長源作路史。乃以始興鼻。天子冢。爲

通雅 卷之十四 十九 澤山此葬車  
象庠。張東筦云。舜墓是商均所葬。蓋因山海經蒼梧舜與叔均之所葬也。

比景。當是北景。○漢日南郡有比景縣。晉亦如之。隋平林邑立比景郡。唐於驩州南境僑立景州。比景縣。非正比景也。貴與曰。比音芑。蔭之芑。按古曰北戶。謂開北戶以向日。唐萬年縣尉段公路。文昌之孫。作北戶錄是也。太平御覽曰。交州去路九千餘里。孫棟云。立表效景。景在表南。其古郡以日南爲名。其斯義乎。又有比景縣。比北二字相似。據此。則應是北景。周禮大司徒。土圭正日景。有南景北景之說。當時或以此名。然自漢以來。傳訛作比矣。

木葉城在三衛。○徐文長記。木葉城在遼東。余于遼史始見有此名。今說詩者。以沈雲卿九月寒砧催木葉之句。爲地名。以對遼陽。則合掌癡極。毫無風致矣。智考木葉城在薊州外馬蘭諸山。今三衛地。文長以爲在遼東。亦非。

花門堡在甘州。○吳曾曰。杜子美好言花門。按唐志甘州有花門山堡。東北千里。至回鶻衙帳。故有畱花門詩一首。又云花門。虜面請雪耻。又云聞道花門將。論功未肯歸。又云聞道花門破。和親事却非。楊巨源亦有送太和公主和蕃詩云。蘆井尋沙到。花門度磧看。薰風一萬里。來處是長安。岑參送封常清西征叙曰。天寶中朔方圓紇寇邊。踰花門。



同路。下水同船。男兒帶刀同一邊。一點一齊。同殺盜賊。不用此  
欵者。並依山例。山例者。蠻言誅殺也。具載范文穆公桂海虞衡  
志。陸文裕。又載南詔乞書藥文。習夫子之言。便有華風。附詩亦  
是唐律。今辰州地。卽古五溪蠻。長源引伯益經曰。卞明生白犬。  
爲蠻人之祖。乃人名也。後遂云高辛之犬。銜犬戎吳將軍首。以  
少女妻之。生六男六女。風俗通載之。然高昌之祖。牝狼負人。劉  
宋元嘉婢爲狗婦。何訝古事。但定高辛以女嫁之。則荒唐矣。蠻  
溪叢笑。多言彼中風俗。今山海經作弄明生白犬。

苴苻城。雲南近遵義之地也。○薛能聞官軍破吉浪詩。越雋通  
遊客。苴苻闌聚蚊。又西縣詩。野色生肥苻。鄉儀搗散茶。梯航經  
杜宇。烽火徹苴苻。則苻爲迷麻反。唐書李晟曲環救蜀。合擊吐  
蕃。南詔破之。異牟尋懼。築苴苻城。今雲南大理府。一統志以爲  
苻地。

龍戶驪家。馬人馬流也。○卮言曰。韓退之詩。衙時龍戶集。上日  
馬人來。吳炯云。長安有龍戶。見水卽知有龍。或引出。但如鯀魚。  
按此是潮州時。上廣帥作。非長安也。馬人。演繁露引昆奢利王  
時。有如馬裸露。王分身爲蠶。被乃得衣。馬人感戀。恐非也。按俞  
益期牋云。馬文淵立銅柱。岸北有遺兵。居壽冷岸。南對銅柱。悉  
姓馬。號曰馬留。又記一小說。龍戶在儋耳。其人目睛皆青碧。入  
水能伏一二日。蓋卽所謂崑崙奴也。升菴則以象奴爲崑崙奴。

智按今方隅勝略自有龍家馬人二種。龍家爲驪氏之後。其種有四。馬人散處南海。當是馬流耳。俞益期本作馬流。段成式作馬留。驪當是駮。駮古與龍通音。如交州都龐音龍可証。故駮家轉而爲驪家。又轉而爲龍家耳。

者樂甸。本馬龍他。卽甸。猛摩之地。○雲南有者樂甸。長官司。或曰此亦名龍戶。然則退之與馬人並舉者。乃龍戶之在嶺粵者。而此亦其類也。

宛伽。天堂河也。○大藏西域記云。阿耨達地。在香山南。大雪北。周八百里。東南流入海者。曰宛伽河。西南流入海者。曰縛芻河。西北流入海者。曰徒多河。又潛流地下。出積石山。東北流入海。

者爲中國之河源。阿耨達。華言無煩惱。似指所謂星宿海者。宛伽。華言天堂。縛芻。華言清。徒多。華言冷。宛。渠京切。字書宛宛欲死也。不知譯者。何獨借此字。

林邑。古越裳。而老撾亦古越裳地也。○雲南有老撾宣慰司。俗呼撾家。通交趾。暹邏入海。

狼臚。鞞國也。○水經注。九真水度淮北岸。有橋。卽彭龍區粟之通達。檀和之大戰東橋處也。水又逕船官口。源出徐狼外。衆皆裸身。以竹筒樹葉掩形。名狼臚。惟依冥夜與人交市。闇中鑿金。皆知好惡。

離耳。卽儂耳也。○山海經曰。離耳。雕題。在鬱水南。林邑記九郡。

有僂耳民。徒跣耳。廣垂以爲飾。以黑爲美。離騷所謂玄國。然則僂耳。卽離耳也。淮南言耽耳在其北方。則南北皆有此名。今僂州。屬瓊州府。

九彛在徐州。莒魯之間。○劉敞說也。馮厚齋以朝鮮東彛九種。非也。或曰孔子喜郊子與程本。

李白書禹穴在蜀。○丹鉛曰。史遷言上會稽。總吳越也。探禹穴。言巴蜀也。後人誤解禹穴在會稽。按禹生蜀石泉縣。古碑禹穴。李白所書也。古人文不重複。如雲土夢作乂。括江南北千里。蔡蒙旅平。蔡在雅州。蒙在雲南。亦括千餘里。智按禹穴。音在委宛書耳。廬山禹刻。亦云石穴。凡禹到皆名之。

十四卷終

